

# КОМИ КЫВ

6



## МАРЪЯМОЛЬ ЙЫЛЫСЬ

Вөрса кушинъясын быдмө мича маръямоль (пион) дзоридз. Нимыс воис миянөдз важ кадсянь, кор коми-яс овлісны финн-угор йөз котырын на. Быдмөгъяслысь вотөссө важ йөз шулөмаөсь «мараён». Финнъяс да карелъяс ног вотөсыс сідз жө «мара». Коми йөзкост сёрниын паныдасьлө «косьмар» вотөс ним. Мукөдлаын сы пыдди шуоны «намыр» (косяника). Тайө кывъясас «мар» юкөныс индө вотөс вежөртас вылө. Сідзкө, «маръямоль» абу артмөма «Марья» нимысь, а индө «вотөс моль» вежөртас. Тайө вотөс мольяссъыс нывъяс вөчлісны сикөтшъяс.

*Евгений Игушев серти*



## МАРЪЯМОЛЬ

Кывъясыс Г.Юшковлөн  
Шыладыс В.Мастеницалөн

Визув юö петö ёль,  
Петö ёль.  
Быдмö сэтөн маръямоль,  
Маръямоль.

Сикöтш вылö куим-нёлъ,  
Куим-нёлъ  
Колö дзоридз маръямоль,  
Маръямоль.

Муса зонмöй, энлы коль,  
Энлы коль,  
Кыкөн корсям маръямоль,  
Маръямоль.

Локта гортö гиль да голь,  
Гиль да голь.  
Вая сьöрысь маръямоль,  
Маръямоль.

Сöмын унасö ог доль,  
Ме ог доль,  
Кодкөд воті маръямоль,  
Маръямоль.



Г.И. Ватаманова, Ж.Г. Сизева,  
Е.Н. Ярошенко

# КОМИ КЫВ

**6-öd класса челядьлы комиён сёрнитны  
велöдчан небöг**



*Вынсöдiс  
Коми Республикаса йöзöс велöдан  
министерство*



СЫКТЫВКАР

2010

ББК 81.2 Коми  
В 21

Велӧдчан небӧгсӧ дасьтӧма  
Коми Республикаса образование сӧвмӧдан да  
кадръяс дасьтан институтын

Ватаманова Г.И., Сизева Ж.Г., Ярошенко Е.Н.  
В 21 **Коми кыв:** 6-ӧд класса челядьлы комиӧн сёрнитны  
велӧдчан небӧг. – Сыктывкар: ООО «Анбур», 2010. –  
128 л.б.

ISBN 978-5-91669-031-6

ББК 81.2 Коми

ISBN 978-5-91669-031-6

© Ватаманова Г.И., 2010  
© Сизева Ж.Г., 2010  
© Ярошенко Е.Н., 2010  
© Авилова И.А., оформление, 2010  
© ООО «Анбур», 2010

## ОТСАСЯН ПАСЪЯС



– сёрнитам

**Т**

– тӱдмав



– кыввор

**С**

– синоним

**А**

– антоним

**О**

– омоним



– велӱд наизусьт



– вӱчам содтӱд удж



– грамматика тема



– выль тема



– босьт тӱд вылад



– шусьӱг



– гортса удж



– вочавидз юалӱм вылӱ



– творческӱй удж

## НЫВКАЯС ДА ЗОНКАЯС!

Чолөмалам тiянөс выль велөдчан  
воөн!

Таво тi төдмаланнуд выль кывъяс,  
велаланнуд бурджыка сёрнитны коми-  
өн, лыддяннуд кывбуръяс, мойдъяс,  
висьтъяс, легендаяс.

Войвыв дзоридз маръямоль йылысь  
паныдасьлас кык легенда да сьыланкыв.  
Тайö жö дзоридзыс лоö миян небöглөн  
пасөн. Грамматика да выль тема пасйöма  
маръямоль дзоридзөн.

Сиама тiянлы бура велөдчыны, пыдди  
пуктыны коми кыв!







## ГОЖСЯ КАЗЬТЫЛӨМЪЯС

5-өд класса материал мөдпөвъявтөм



1 удж. Лыдды да гөгөрво кывбурсө. Корсь кыв-  
бурысь серпас дорö лөсялана кывъяс.

### Гожөм.

Коми муын,  
Кор гожөмыс бур,  
Шонді-дзоридзыс  
Лэптөма юр.

Кыптөм енэжас  
Кымөрыс – юсь.  
Сэсь оз сөздөдчы  
Зэрыслөн тусь.

Шоныд ывлаыс  
Кыпөдө лов.  
Дырджык миянкөд,  
Гожөмөй, ов!

*А. Мишарина*

**2 удж.** Лыдды да гөгөрво текстсө. Вочавидз текст помын юалом ыло.

### **Гожся лунё.**

Сашук бура колляліс шойччан лун. Асывбыд сійө узис, а сэссия сёйис веськыда вольпасяс. Лунтыр ворсіс ывлаын: котраліс зонкаяскөд, дурис, туплясис турун ылын. Юасьтөг ветліс ю дорө купайтчыны.

Рытывбыд Сашө дөзмөдіс ичөт чойсө. Войбыд кыв-зіс гора музыка да видзөдіс телевизор.

Сөмын мыйла сэтшөма мудзисны бать-мамыс?



Сёрнит ёртыдкөд гожөм йылысь.

- Кыдзи тэ коллялін гожөм?
- Кытчө таво ветлін?
- Кутшөм вөлі поводдяыс гожөмнас?
- Кыдзи отсасин бать-мамыдлы?
- Кутшөм град ыв пуктас быдтін гожөмнас?
- Кутшөм вотөс да тшак чукөртін?
- Мый заптінныд бать-мамыдкөд төв кежлө?
- Кутшөм вөвлөмтор казътывлан?

**3 удж.** Гиж текстсө, содты лөсялана эмакывъяс.

Водз ...ын ме ...көд ветлі ...ла. ...ысь ме аддзи дас кык еджыд ..., а ...лы сюрис дас нель. Ставныс вөліны ёнөсь, мичаёсь. Сэссия ...ысь сюрисны солалан ...яс: ... да ... . Ми локтім ...ө тыр ...өн.

Отсөг ыло кывъяс: *бать, ар, тшак, яг, гоб, вөр, чуман, ягсер, ельдөг, горт.*

4 удж. Лыдды да гөгөрво юөрсө. Гиж кажитчана гут-гаг йылысь ас юөр, серпасав.

### Бобув.

Бобув – тайö медмича гут-гаг. Сійö быттö уна рöма дзоридз.

Бобувьяс зэв бура лэбалöны, кодсюрöяс вермöны лэбны Европаысь Африкаö. Сэни найö пунктöны колькьяс. Выль бобувьяс сійö жö туйöд локтöны бөр Европаö.



 Аддзы коми шусьöгьяслы да кывйöзьяслы роч пöв. Гөгөрвоöд шусьöгьяссö.

Гожöм заптö, тöv дзимлялö.

Гожся луныд йöлөн-вййөн исковтö.

Кöка войяс дженьыдöсь да югыдöсь.

И кöдзыд гожöм тöлысь шоныдджык овлö.

И холодное лето теплее тёплой зимы.

Лето запасает, зима поедает.

Летний день молоком-маслом катится.

Белые ночи короткие и светлые.

5 удж. Вуджöd текстсö.

Шоныд жö гожöм! Лунтырьясөн пöжö шонди. Ставыс вежödö, дзоридзалö, сöвмö да кисьмö. Ставыс пöртмасьö аслас мичён-рöмөн, и быдөнлөн аслас кад.

*И.Торопов серти*



Аддзы да гиж гожом йылысь 3–4 шусьог да кыв-  
йоз. Куж найос гогорводны.

**Т**

Ю вомон мича мегыр ошйома.



Кор ме кола – йозыс виччысьоны,  
А кор ме локта – ставон дзебяссьоны.



Гожся войын турун повстын  
Уна югид эзысь моль,  
Толысь аддзо, но оз босьтав,  
А вот шондыд оз коль.



Сытог эськө эз вөв олөм,  
Мусö, васö сийö шонтö.  
Сылөн нюмысь тэныд долыд,  
Тайö мян зарни ...



**6 удж.** Лыдды да гогорво текстсö. Аддзы эмакыв-  
йысь артмом кывбердъяс, öнiя када кадакывъяс.

### Радейтана дзоридз.

Гожом. Ме муна туруна видз вывтi. Гогор зэв мича,  
синмö шыбитчöны уна рöма дзоридзъяс. Аддза тайö  
ловъя серпассö, и нимкодясьö сьöлөмöй.

А менам медся радейтана дзоридзыс – пöлöзнича.  
Быдмö сийö муяс вылын да шепта турун повстын. За  
вылас кыпöдчöмаöсь кузь, оттөм коръяс. Сыръясыс

воронка кодьбось, лөз йылабось. Шöрас быттö вижов  
гöгрöс моль. А сэтшöм чöскыд көра!

Миянлы дзоридзьяс вайöны радлун да мичлун. Мед  
найö дзоридзалöны му вылас, нимкодьöдöны миянöс.

*«Би кинь» журналысь*



Серпасав радейтана дзоридзтö да лöсьöд висьт.

План:

1. Кутшöм дзоридз тэныд кажитчö?
2. Кутшöм сийö, көнi быдмö?
4. Мый вайö йöзлы?

**7 удж.** Лыдды, гөгөрво кывбурсö. Вочавидз  
юалöмъяс вылö.

Веж видз вывтi муна, муна,  
Мича дзоридз сэнi уна,  
Зарни дзоридз вывтi уна.  
Меным гажа, сыла-йöкта,  
Мича дзоридз водзö öкта,  
Зарни дзоридз öдйö öкта.  
Муса зонлы юркытш кыа,  
Гортысь пета – рытья кыа,  
Гортö локта – асья кыа.  
Веж видз вывтi муна, муна,  
Мича дзоридз сэнi уна.  
Зарни дзоридз вывтi уна.

*В.Савин*



1. Кутшöм дзоридз йылысь гижö В.А. Савин?
2. Мыйöн öткодьбось **юркытш, анькытш, чунькытш**  
кывъяс?





## ГОЖСЯ ШОЙЧЧӨМ



вартчыны – плавать

вежӧдны – зеленеть

ветлыны –

сходить, съездить

вотчыны –

собирать грибы, ягоды

гожйӧдчыны – загорать

град йӧр – огород

дзоридзавны – цвести

ёг турун – сорняк

ёрны – слепить

заптыны – заготовливать

Из гӧра – Уральские горы

купайтчыны – купаться

лыа – песок, пляж

ляпкавны – мелеть

мыччыны – подать

нетшкыны – рвать

нимкодясьны –

радоваться, любоваться

отсасьны – помогать

пӧжны – припекать

пӧт – сытый

пуктыны турун –

заготовливать сено

саридз – море

суйӧр – граница

сунавны – нырять

тӧдмавны – узнать

тӧдмасьны – познако-

миться, ознакомиться

сайӧдчыны – укрыться



## КАДАКЫВЪЯСЫН ТЧ, ДЧ, ЧЧ ТЭЧАСЪЯС. СОЧЕТАНИЕ СОГЛАСНЫХ ТЧ, ДЧ, ЧЧ В ГЛАГОЛАХ

Коми кывйын кыв шӧрын орччӧн вермӧ лоны кык согласнӧй: гора да гортӧм. Мӧд согласнӧйыс аскодялӧ орччӧн сулалысь воддза согласнӧйсӧ.

Т да д оз шусьыны ч водзын.

ПОЗЬӦ ПРӦВЕРИТНЫ:

вотчыны → вота

босьтчыны → босьта

велӧдчыны → велӧда

бергӧдчыны → бергӧда

**8 удж.** Содты кывъясö колана шыпасъяс. Уджалöй гозйöн: прöверитöй öта-мöдтö «Коми орфография кыв-куд» отсöгöн, кадакывъясö юклöй чукөръяс вылö.

Бергö...чыны, купай...чыны, мöдö...чыны, че...чыны, вар...чыны, пöр...чыны, во...чыны, чукөр...чыны, лöсьö...чыны, велö...чыны, матыс...чыны, петкö...чыны, сайö...чыны, кур...чыны, мы...чыны, шой...чыны.

**9 удж.** Бөрйы воддза уджысь вит кадакыв да лöсьöд сёрникузяяс гожöмын шойччöм йылысь.

**10 удж.** Гиж текстö лöсялана шыпасъяс содтöмön.


...ишук ...етліс ...ойччыны ...иктö. ...ійö ...тсасис ...öчыслы, ...етліс ...өрö ...отöсла, ...упайтчис да ...ыйис ...ери. ...аникулъяс ...олляліс ...эв ...ура.

**11 удж.** Лыдды да гөгөрво Мишуклысь письмöсö, вочавидз юалöмъяс вылö.

Дона мамук!

Со ме и саридз дорын. Аддза сійöс медводдзаысь да чуймала, кутшöм сійö паськыд, помтöм-дортöм, а ваыс сола. Поводдяыс бур: пöжö шонді, пöльтö кокны-дик төвру, ставыс вежöдö да дзоридзалö.

Быд лун ми купайтчам, суналам, гожйöдчам пöсь



лыа вылын. Тöрыт ветлім экскурсияөн Ботаническöй садйö, нимкодясим лунвывса быдмөгъясөн. Татшöмыд войвылын абу. Рытъянас гажöдчам дискотека вылын.

Зэв бура ме шойчча. И век жö быд лун казытыла тэнö, муса мамук. Регыд паныдасям.

Тэнад Мишук пи.



1. Кытчö нöшта ветліс гожöмнас Мишук?
2. Мый зонка сэнi вöчис?
3. Кажитчис-ö Мишуклы шойччыны саридз дорын?



Вайöд син водзад, мый тэ шойччан лагерын. Гиж письмö.



## КЕРАНТОРЪЯ, ЫЛЫСТЧАН ДА ВОАН ВЕЖЛÖГЪЯС. ТВОРИТЕЛЬНЫЙ, ОТДАЛИТЕЛЬНЫЙ И ПРЕДЕЛЬНЫЙ ПАДЕЖИ

Керанторъя вежлög	<i>Кодön? Мыйön?</i> Кем? Чем?	- <b>ön</b>	–
Ылыстчан вежлög	<i>Кодсянь? Мыйсянь?</i> От кого? От чего?	- <b>сянь</b>	от
Воан вежлög	<i>Кодöдз? Мыйöдз?</i> До кого? До чего?	- <b>öдз</b>	до

Эмакыв      -**ön**      мамön, поездön      мамой, поездом  
+ -**сянь**      воксянь, сиктсянь      от брата, от села  
Нимвежтас      -**öдз**      пöчöдз, карöдз      до бабушки, до города

Пример вылö: *Гожöмнас сиктсянь карöдз ветлö  
автобус. Саридз дорö ми муним поездön. Сыктывкарсянь  
Москваöдз позьö лэбзыны самолётön.*

**12 удж.** Уськөд төд вылө ина вежлөгъяс. Эмакывъяс дорө содты лөсялана суффиксъяс. Гөгөрвоөд суффиксъяс бөрйөмсө. Корсь торъялан кывтэчас.

Ветлі сикт..., купайтчим ю..., шойччисны лагер..., локті кар..., лэбим Москва..., вотчис вөр..., пуксисны поезд..., муна поезд..., пуксим машина..., локтім машина..., олінныд палатка..., котөртім туй... .

**13 удж.** Помав сёрникузяяссө, бөрйы да содты эмакывъяс дорө лөсялана суффиксъяс.

1. Сыктывкар... (-ын, -ө, -сянь) Анапа... (-ысь, -өдз, -ын) позьö лэбзьыны ... .

2. Москва... (-сянь, -лөн, -өн) Санкт-Петербург... (-сянь, -өдз, -ысь) ветлө ... .

3. Кар... (-өн, -сянь, -лөн) сикт... (-өдз, -ө, сянь) ми ветлам ... .

4. Горт... (-ө, -сянь, -ын) школа... (-өн, -лөн, -өдз) ме муна ... .

5. Ыджыдджык вок... (-сянь, -өдз, -өн) воис ... .

6. Гожөмнас ми ветлім Из гөра... (-сянь, -ө, -өдз) ... .

7. Ме гожөмбыд чөсмаси чөдй..., озй..., мырпом... (-лөн, -өн, -ла).


8. Ме таво виччыся Көдзыд Пөль... (-өдз, -сянь, -лысь) бур козин.

**14 удж.** Сетөм кывъяс да кывтэчасъяс отсөгөн вочавидз юалөмъяс вылө.



1. Көні тэ вөлін гожся каникул дырйи?

2. Мый вөчин гожөмнас?



15 удж. Артмөд кывтэчасъяс.

коллялі (көні?)  
 ветлін (мыйөдз?)  
 шойччис (кыдзи?)  
 гуляйтін (кыті?)  
 отсасим (кодлы?)  
 төдмаси (кодкөд?)

чеччи (кор?)  
 сёрнитім (кодкөд?)  
 казътыла (кыдзи?)  
 видзөдіс (мый?)  
 кывзінныд (мый?)  
 төдмалі (мый?)



**16 удж.** Содты кольём кадакывъяс, артмод да гиж сёрникузяяс.

Me ... куим тóлысь.  
... пöсь лыа вылын.  
... Сьод (Азов) саридзын (юын).  
... пöль-пöч ордö.  
... уна выльтор.  
... выль ёртъяскöд.



Лöсьод гожся шойчöм йылысь ёрта сёрни.

Отсöг вылö:

- Кöнi тэ коллялiн гожся каникул?
- Мый вöчин каникул дырйи?
- Мый выльторсö аддзылiн гожöмнас?
- Кытчö тэ ветлiн каникул дырйи?
- Мый выльторсö тöдмалiн?
- Тöдмасин-ö выль ёртъяскöд?
- Ветлiн-ö мукöд каръясö (сиктъясö)? Мый сэтысь аддзылiн?
- Мыйöн чöсмасин гожöмнас?
- Кыдзи тэ казътылан тайö каникулсö?

**17 удж.** Лыдды да гөгөрво висьтсö. Дасьты план серти гожся лоомтор йылысь ас висьт.

### **Медводдза чери.**

Медводзөн садьмис Степан:

- Шондыс енэж шöрас нин, а тi узянный! Сирсыныд мян вылын вак-вакөн сералöны.

Öтвылысь юим чай. Быдöнлөн öти гуся мöвп – шедi-ö войнас чери.

Виталей медводзын котортіс видлыны подольникьяссө. Вочасөн ставөн разөдчим.

Степанлы мича сын пысасьома. Радлө, дерт.

Веськыда кө, быдөнлы ичөтика шедөма. Ме жө эг тэрмась: кык подольниктө өдйө видлала.

Степан шмонитө:

– Енмыслы Ичөт Миш кевмө. Ыджыд чери корө.

Петь юалис:

– Ачыд лэптан али отсөг виччысян?

Весиг повзышти.

– Ачым, дерт.

Өти подольникас прамөй сир шедөма, а мөдас – налим. Ёртъяс мекөд тшөтш радлісны. Ошкисны и. Öнi пө тэнө, Ичөт Миш, сьöрысь пыр кутам босьтны.

*М.Ладанов серти*

План:

1. Кытчө ветлін гожөмнас?
2. Мый аддзылін?
3. Мый выльторсө төдмалін?

**18 удж.** Лыдды да гөгөрво текстсө.

### **Гожся салат.**

Тасьті пыдөсө пуктавыны салат коръяс. Мыськавыны град выв пуктасъяс. Та бöрын вундавыны редис нель пельö, öгуреч гöгыльясөн, посньөдлыштны оливки. Мичаа пуктыны тасьтiö.

Дасьтыны соус: тертука пыр лэдзны сыр да гудравны сливкиөн, выйөн да уксусөн, содтыны специаяс. Пуктыны салатö соус.



Вөзйи ассыд радейтана гожея сёянлысь рецепт.



Велөдчы ёртъясыдкөд ворсны «Пөла-мачөн» ворсөмысь.

### **«Пөла-мачөн» ворсөм.**

Пудьясьөмөн бөрийёны мачө кучкалысьёс, мукöдыс мач куталысьяс. Ворсны колө лөсьөдны ичөтик резина мач, палич (метра кузьята кымын бедь) да неыджыд пөв. Пөвсө сувтөдöны. Мач куталысьяс мунöны боклань, а кучкалысьыс пөв дорсянныс качөдыштө мачсө вылө да кучкө паличнас. Мач куталысьяс зильöны кутны лэбысь мачсө. Көдi кутас, сийö лоö кучкалысьөн. Некодлы кө оз удайтчы кутны, быдөн тэрмасьö медводдзаөн кыпöдны мачсө му вылысь да шыбитны пөвьяс. Инмас кө, сийö лоö кучкалысьнас, а оз кө инмы, кучкалысьыс кольö важыс. Мачсө куталысьясөн шыбитигөн кучкалысьыс өвтчө бедьнас, дорйö ассыс пөвсö инмөмысь.

*Ю.Рочев*

**19 удж.** Дасьтысь да гиж диктант.

### **Гожея лунö.**

Гожея лунö Женя да Вова мунисны вотчыны. Пырисны найö төдса нюрö. Чеччалисны вутшкысь вутшкө. Друг кыпöдчис сьод кымөр да чорыда зэрмис. Паськөмныс дзикөдз көтасис. Но зонъяс өктисны уна мырпом. Дозьяс тырём бöрын сёрнитчисны лэччыны бөр гортö. Мөдöдчисны нюрысь. Прөсек бокин пестисны би-пур, пөрччысисны да косьтысисны. Неуна шойччисны да котөртисны гортлань.

50 кыв



## АРСЯ КОДЗУЛА ПАС УЛЫН



веськӧдлысь –  
управляющий  
веськыд –  
честный, прямой  
зыртны – натереть  
зык – ссора  
лӧсявны – подходить  
ӧтдортны –  
недолюбливать, обижать

оласног – образ жизни  
панны – затевать  
сорас – салат, месиво,  
примесь  
тырмытӧмтор –  
недостаток, ошибка  
ылӧдлыны – обмануть  
яндысьысь – стыдливый,  
стеснительный



**20 удж.** Лыдды да гӧгӧрво текстъяссӧ. Вочавидз юалӧмъяс вылӧ.

### Дева.

Веськӧдлысь планетаыс – Меркурий. Дева – сюсь, яндысьысь, бур сьӧлӧма, вежавидзысь, тӧлка да уджач.

Абу сёрниа. Велөдчө олөмчөжыс. Олө дыр. Йёзыс пыдди пуктөны. Но тшөкыда панө зык дзык нинөм абу-сыс. Радейтө индыны мортлысь тырмытөмторьяс, но оз ошкы бурторйысь. Дева вермас лоны бур политикөн, экономистөн, велөдысьөн, библиотекарён.

### **Весы.**

Весы – вежөра, небыд, кокни сяма морт. Оз радейт зыксём, көть мукөддырйиис ачыс панө зыксө. Весы – веськыд морт, но оз тырмы повтөмлун. Вермө ылөдлыны, весиг медматыссяясөс. Но йёзыс Весыөс пыдди пуктөны мелі кывйысь. Радейтө музыка, вөр-ва, окотапырысь путешествуйтө. Весы вермас лоны бур адвокатөн, журналистөн, дипломатөн, вузасысьөн, актёрөн либө администраторөн.

### **Скорпион.**

Веськөдлысь планетаяс – Марс, Плутон. Кыпид сёлөма, но чорыд сяма морт. Овлө скөр, та вөсна сылөн этша ёртыс. Сылы пыр кажитчө, мый сійөс өтдортөны, критикуйтөны. Скорпион пыдди пуктө ашшөр олөм. Сысь артмас бур хирург, юрист, веськөдлысь.



1. Коді тэнад ёртъясысь чужөма тайө кодзув чукөр улын?

2. Кызди тэ чайтан, мый лөсялө налөн сямлы?



Аддзы да комиод ассыд гороскоптө.



Сёрнит ёртыдкөд.

– Видза олан, ... !



– Видза олан, ... !



- Кор тэ чужин?
- Ме чужи ... .
- Коді тэ гороскоп серти?
- Гороскоп серти ... .
- Кутшом йөз чужоны тайо кодзула пас улын?
- Тайо ... .
- Аттьо, аддзысьлытөдз!
- Аддзысьлытөдз!



## ӨТКОДЯЛАН КЫВБӨРЪЯС. СРАВНИТЕЛЬНЫЕ ПОСЛЕЛОГИ

**серти**  в сравнении, по сравнению, чем ...  
**дорысь** 

Пример вылө:

*Йирымын **серти** поводдяыс коч төлысьо косджык да шоныдджык.*

*Гожся шондiыс арся **дорысь** мелiджык.*

**21 удж.** Чукөрт сёрникузяяс.

1. Весы, дорысь, рамджык, Скорпион.
2. Төлысь, вольгым, кузьджык, серти, йирым.
3. Радейта, ме, ёнджыка, футбол, баскетбол, дорысь.
4. Помын, ар, кузьджыкөсь, лунъяс, войяс, дорысь.
5. Унджык, мам, бать, вотiс, пув, серти.
6. Вокöй, смелджык, дорысь, ме.

7. Каникул, гоҗся, арся, дженьыдджык, серти.

8. Турипув, пув, дорысь, шомаджык.

**22 удж.** Лыдды да гөгөрво аслад кодзув паслы лөсялана меню.

### **Мый вөзийоны сөйны кодзுவъяс?**

А ті тōданнды, мый гороскоп оз сōмын инды миянлы оласног, но и вōлōга?

**Кōза сюрлы** колōны А, С, Е витаминъяс. Сылы оз лōсяв госа да ёсь вōлōга, та пыдди колō тшōкыдджыка сөйны кōчан, спаржа, чернослив, шпинат да рысь.

**Ва кисьтысьлы** быть колō сөйны быд пōлōс фрукты, а сідзжō морков, кōчан, спаржа, инжир. Нōшта колō сөйны быдсикас шыдōс.

**Черияслы да Звōннилы** ёна лōсялō протеина вōлōга: гостōм яй, чипан кольк, чери, сыр, кольтусь, анькытш. Сідзжō налы лōсялō град выв пуктас да изюм, мукōд сөянын серти наын уна кōрт.

**Ыжлы** оз позь вунōдны свеклō, морков, пōкъя кōчан, огуреч, яблōг, финик, банан, салат, лук, грецкōй кольтусь йылысь.

**ōшлы** колана А да Е витаминъяса вōлōга. Сылы колō сөйны тыква, редис, свеклō.

**Левлōн** сөян – миндаль, апельсин, лимон, мандарин, салат, яблōг, слива, чōдлач, огуреч, чипан яй, сыр, саридзса вōлōга. Сылы лōсялō крахмалтōм да сакартōм сөян-юан.

**Раклōн** тшōкыда висьō кынōмыс, та понда сылы колō сөйны рысь, цитрусъяс, юмов переч, чери.

**Вескилы** медъёна лōсялō быдлунъя сөян: быдсикас шыдōс, кукуруза, морков, яблōг. Оз ков сөйны лэчyd кōра сөян.

**Ичмоньлы** кофе пыдди колö юны чай, бөрйыны белока сёян. Этшаджык сёйны юмовтор да пöжас. Нöшта сылы лöсялöны зөр, салат, кабачок, груша да сыр.

**Скорпионлы** медколана гостöм яй, саридзса вöлöга, кольтусь да быдпöлöс град выв пуктас.

**Лыйсьысьлы** бурджык дугöдчыны госа вöлöгаысь, а сёйны кукань мус, кольк, инжир, чернослив, цитрусъяс, наын уна С да В витамин.

**23 удж.** Вуджöd Вескилы лöсялана сёянлысь рецепт.

### **Солнечный салат.**

Для приготовления этого салата необходимы полбанки кукурузы, 2–3 морковки, 1 большое жёлтое яблоко, 100 грамм сметаны, 1–2 чайные ложки мёда, немного грецких орехов для украшения.

Морковь почистить, помыть и натереть. Яблоко помыть и нарезать небольшими кубиками. Смешать морковь, яблоки, кукурузу с мёдом, выложить на тарелку. Смазать салат сметаной и украсить орехами.



для украшения –  
мичмöдöм вылö  
нарезать – вундавны

почистить – весавны  
смазать – мавтны  
смешать – гудравны



**С** Корсь аслад кодзула паслы лöсялана сёянлысь рецепт.

**С** Сетöм кыв чукöрысь аддзы синонимъяс.

Шор, вотöс, зонка, ичöt, шань, тэрыба, воны, шуны, дзирдалö, детинка, югъялö, ёль, öдйö, тусь, висьтавны, дзоля, бур, локны.



## ВЕЛӨДЫСЬ ЛУН



аскылөм – настроение  
 буретш – как раз  
 (здесь: именно)  
 быдтас – воспитанник  
 вермөм – достижение,  
 успех  
 зильөмөн – старательно  
 индыны – указывать  
 кутны – держать,  
 держаться  
 кыпыд – приподнятый,  
 радостный  
 муслун – любовь  
 нюдз – гибкий  
 (здесь: понимающий)  
 өзтыны – зажечь  
 өнөдз – до сих пор

петкөдчыны – выступать  
 пинявны – ругать  
 пыдди пуктөмөн –  
 с уважением  
 пыдди пуктана –  
 уважаемый  
 рам – спокойный  
 сины – желать  
 сьөлөмкылөм – чувство  
 сьөрын – с собой  
 сюрны – достаться  
 сяммыны – суметь  
 чөж – в течение  
 чолөмавны – поздравлять  
 чолөмалөм – поздравление  
 чусмыны – потускнеть  
 ышөдны – вдохновить

**24 удж.** Мичаа лыдды кывбурсө. Вочавидз  
 юалөмгъяс вылө.

### Мөд мамгъяс.

Колө лоны стрөгөн,  
 Колө лоны рамөн,  
 Колө астьө сідзи кутны пыр,  
 Медым тэнө быдөн  
 Шуисны мөд мамөн,  
 Медым тэнө казътылісны дыр.

Медводдза учитель,  
Том көть тэ, көть пöрысь,  
Быдöнлы тэ муса,  
Быдöнлы тэ ас.  
Тэ йылысь бур мöвпгяс  
Нэм чöж видзам сьöрын,  
Тэ öд медводз индан  
Олöм туйö пас.

Овлö тэныд сьöкыд,  
Овлö тэныд мустöм.  
Пинявлан и быдöн  
Коркö бöрийöм удж.  
Но мый öзтін мортын,  
Некор нин оз чусмы,  
Сы вöсна мый тэнад  
Сьöлöмыд зэв нюдз.

Медым тэнö быдöн  
Шуисны мöд мамöн –  
Тайö вывті сьöкыд,  
Но и вывті бур!  
Колö лоны стрöгөн,  
Колö лоны рамöн –  
Мöд ног тайö нимыс  
Некодлы оз сюр.

*Н.Щукин*



Велöд кывбурыйсь юкөн ас бöрийöм серти.



1. Мыйла велöдысьöс кывбуралыйсь шуöма «мöд мамöн»?

2. Тэнад эм «мöд мам»? Кутшöм сійö?



25 удж. Лыдды да гӱгӱрво газет статьясӱ.

### Нэм чӱжыс чужанінас.

Медводдза велӱдысь... Радейтана да пыдди пуктана морт. Сійӱ нэм кезлӱ кольӱ велӱдчысьлӱн паметӱ. Ӗд буретш сы сайын, кызди зонпосни кутасны велӱдчыны водзӱ.

Альбина Ивановна Поповалӱн зӱльӱмӱн челядь окотапырысь босытӱны школаын тӱдӱмлун. Авъя, вежӱра ань сяммис ышӱдны зонпосниӱс став бурас.



Нелямын во Альбина Ивановна велӱдӱс Помӱсдӱн сиктса Вильгорт грездса начальнӱй школаын. Сылӱн борд улысь петӱсны чужан сиктын, Коми муын да весиг Россияын пыдди пуктана да нималана йӱз. Велӱдысь пыр ышӱдӱс челядьӱс радейтны чужан му да кыв, дасьтӱс серпаса-кывбура коми анбур. Олӱм чӱжыс гижӱ коми кывӱӱн сиктса олӱм йылысь кывбуръяс да сыланкывъяс. Ӗнӱдз на Альбина Ивановна быдтасьясыскӱд петкӱдчӱ сиктса клуб сцена вывсянь.

Енбиа велӱдысь дорын велӱдчигӱн кокниджык корсьны водзӱ олӱмӱ туй.

*«Коми му» газетсысь*

**С** зонпосни = челядь



Дасьтысь ас гижӱд кезлӱ. Лӱсьӱд юалӱмъяс да босыт интервью радейтана велӱдысьлысь.

Отсөг вылө юалөмъяс:

1. Кутшөм предмет кажитчис Тiянлы, кор велөдчинныд школаын?
2. Кутшөм йөз вооны сьөлөм выланыд?
3. Мый радейтанныд Тi вöчны прөст кадö?
4. Кутшөм Тiян радейтана небөг, кинофильм?
5. Кутшөм паськөм кажитчö Тiянлы новлыны?
6. Эм-ö Тiян девиз? Кутшөм?


**26 удж.** Помав текстсö юалөмъяс отсөгөн да велөдчы гижны чолөмалөм.

### **Радейтана велөдысь.**

Ме велөдча 6-өд классын. Миян уна велөдысь. Ставөн найö вежöраöсь, төлкаöсь, неуна стрөгось.

Медъёна меным кажитчö ...

1. Кутшөм предмет сийö велөдö?
2. Мый верман висьтавны сы йылысь?
3. Мыйөн сийö тэныд кажитчö?
4. Мый сылы сиан Велөдысь лунö?



**27 удж.** Дасьты радейтана велодысьлы чолёмалан открытка.



Чукортём материал серти дасьтöй класснад презентация тiян школаса велодысьяс йылысь. Вöдитчöй PowerPoint программаөн. Козьналöй велодысьясыдлы ассьыныд уджнытö.

**А** Сетём кывъяс дорö аддзы антонимъяс. Лöсьöд кык гозйөн сёрникузяяс.

лун –	ылын –	нимкодясьны –
виль –	водз –	мунны –
олöма –	танi –	сетны –
озыр –	уна –	шойччыны –
сьöд –	улын –	петны –

**28 удж.** Вуджöd текстсö.

### **Гам сиктса школа.**

1904-öd воö Гамса мöd ступеня школа помалис тödчана учёнöй-социолог, философ, этнограф Питирим Александрович Сорокин. Сэни сiйö велöдиc Закон Божий, церковно-славянскöй кыв, арифметика, роч кыв, природоведение, чистописание, пение, столярнöй да переплётнöй уджъяс. Школанас веськöдлiс И.С. Покровский – Гам вичкоса священник. Священникöс чуймöдиc зонкалөн сюсьлуныс. Велодысьяс отсалiсны Питирим Сорокинлы бур кывйөн, сёян-юанөн, көм-паськөмөн да сьömөн. Сюсь зонкалы тырмис сямьс венны ыджыд сьökыдлунъяс да бура помавны школа.

*А.Некрасов серти*



## СЁЯН-ЮАН. СЁЯН-ЮАН ЛАВҚАЫН. СЁЯНИНЫН



вөййөм – реклама  
 вөлөга – пицца  
 вузөс – товар  
 вузавны – продавать  
 вузасьны – торговать  
 вузасьысь – продавец  
 вузасянін – магазин  
 вундавны – резать  
 вылльөв – простокваша  
 гудравны – мешать  
 дон – цена  
 зыртөм – тёртый  
 зыртны – натереть  
 лымвый – мороженое  
 лавка –  
     небольшой магазин  
 нөкъявны –  
     заправить сметаной  
 ньөбасьны – покупать  
 ньөбны – купить  
 ньөбасьысь – покупатель

пөжөм – томлёный  
 пөжас – выпечка  
 пөжны – томить  
 пражитөм – жареный  
 пуөм – варёный  
 пызь – мука  
 сёянін – столовая  
 сёян-юан – продукты  
 сёян – пицца, блюда  
 сёян-юан лыддьög – меню  
 содтыны – добавить  
 солавны – солить  
 сорас – салат, месиво  
 сорлавны – смешать  
 тшынодөм – копчёный  
 уль – сырой  
 шайт – рубль  
 шомйөв – кефир  
 шыдөс – крупа  
 юмйөв – йогурт  
 юмовтор – сладости



29 удж. Серпасъяс отсөгөн уськөд төд вылө «Сёян-юан» темаысь кывъяс. Юклы да гиж лөсялана чукөръясö. Вöдитчы виль кивворөн.

Сёян: ... Пöжас: ... Юмовторъяс: ...



☺☺ Õта-мөд костын ворсöй лавкаысь. Õти тiян пильсь – вузасысь, мөд – ньöбасысь.

- Видза оланныд!
- Бур лун! Мый тi ньöбанныд?
- Мый тiян эм йöла сёянысь?
- Быдтор эм: йöv и нök, выльöv и юмйöv.
- Меным, пöжалуйста, литра джын йöv, нök да рысь. А еджыд няныс небыд?
- Став няныс небыд, эм уна сикас пöжас.

- Сідзкө, нөшта еджыд тупөсь да куим шаньга.
- Пöжалуйста! Тiянсянь 104 шайт 50 ур.
- Со сьöмыс. Аттьö!
- Бур вылö. Волöй на!



Дасьты ёртыдкөд сёрни «Юмовторъяс лавкаын».


**30 удж.** Лыдды Е.Козловлысь серамбана кывбурсö сьөлөмсянь. Серпасав.

### Чöскыд шыр.

Коркө öтчыд ичöt шыр  
 Веськалис амбарö,  
 Аддзис ыджыд тупөсь сыр –  
 О! Шуд пö уси бара!  
     Сейис, сейис, нөшта сейис,  
     Весиг ичöt мач кодь лоис.  
 Сейис калбас, сейис яй,  
 Ассьыс пай дай мөдлысь пай,  
 Сейис сизим пуом кольк –  
 Татшöм добра ог пö коль!  
     Со и нянь джадж дорö воис,  
     Сöмын кайныс дыш нин лоис.

Упкө – чöскыда пö сейи,  
 Сэсся колö мунны бөр!  
 Öдва розь дорөдзыс воис,  
 Чивзис-төрөдчис – эз төр.

Кыськө воис Васька кань,  
 Шыртö кутис да и – ам!







**32 удж.** Серпасъяс серти лӧсьӧд сёрникузяяс  
31-ӧд лист бокын сетӧм схема отсӧгӧн.



**33 удж.** Бӧрйы да гиж сёрникузяяс, кӧні роч за  
предлог комиӧдам **-ла** суффиксӧн.

1. Рытнас ме ветла челядь садйӧ (за сестрой).
2. Миян понпи пыр котралӧ (за мамой).
3. Пӧч пырис лавкаӧ (за молоком).
4. Мамӧ аттьӧалис батьӧс (за цветы).
5. Талун ме лыддя кывбурсӧ (за тобой).
6. Арнас ми ветлім вӧрӧ (за грибами).
7. Зонка пырис лыддысянінӧ (за книгой).
8. Небӧгъяс куйлӧны (за журналами).
9. Атьӧ тэныд (за хорошие слова).
10. Матыстчыв сы дорӧ (за помощью).



**34 удж.** Вуджод роч мойд коми кыв вылӧ.

**Репка.**

(Сказка.)

Посадил дед репку на огороде за домом. И выросла репка большая. Вышел дед за репкой на огород. Тянет-потянет, вытянуть не может. Позвал он бабу, бабка – внучку, внучка – Жучку, Жучка – Мурку, Мурка – мышку.

Мышка взялась за кошку, кошка – за собаку, собака – за внучку, внучка – за бабу, бабка – за деду, дед – за репку. Тянут-потянут и вытянули репку за один миг. Репка жёлтая, вкусная, сладкая. Дед поблагодарил всех за помощь.



**35 удж.** Лыдды да гӧгӧрво кывбурсӧ.

**Ми пӧжасям.**

Мамӧ талун няньшом вӧчис,  
Пуктис лым кодъ еджыд пызь.  
Мамӧ вӧчӧ вӧсни сӧчӧн,  
А ме тэча нӧкъя рысь.

Ӧдъя пачным регыд ваймас –  
Воис нянь пӧжалан кад.  
Рыська шаньга бура баньяс,  
Чӧскыд няньлы быдӧн рад.

*А.Булышева*

**36 удж.** Лыдды «Алӧй лента» романысь юкӧн.  
Висьтав, мыйӧн чӧсмӧдлісны гӧсьтъясӧс важӧн Пӧкрӧв  
лунӧ? Мыйӧн чӧсмӧдланнуд ті гӧсьтъясӧс?

## Покрөв лун – вөралысьясёлн праздник.

Марпа лөсьөдіс сёйны – вольсаліс еджыд пызандө-ра, ваяліс пирөгъяс да шаньгаяс, паськөдіс пызан шөрө черинянь. Дерт, эськө медводз чай юны бурджык, да самөварыс абу, а йөзлысь талун он босът, аслыныс колө.

– Пуксьөй, гөсьтъяс, сёйыштөй няньон-солон.

Марпа век котраліс пачводзянь пызан дінө. Майбыр, сылөн эм мыйон гөститөдны, ставсө чөжөма праздник кежлө: разнөй яй – сьөла, тар, дозмөр, коч жаритөма и пөжалөма, сэсса налим, кык пөлөс чомөр, кык пөлөс ляз – льөмйысь и чөдйысь, мырпома да өмидза йөв, йөла кисель. Гөсьтъяс сёйисны и шензисны:

– Быдтор жө нин лөсьөдөма Марпуш. Да өд ставыс сэтшөм чөскыд!

*В.Юхнин серти*



**Чомөр** – традиционное кушанье, подаваемое на празднике; готовится из толокна или ячменной муки на масле.

**Ляз** – кисель, готовится на солоде из толчёных или молотых ягод.






Сёрнит ёртыдкөд.

- Видза оланныд!
- Бур лун! Мый сёянныд?
- А мый тiян эм?
- Миян эм ...
- Ме косья ...
- Зэв бур! Со тiян сёян-юан.
- Уна-ө мянянь?
- Тiянсянь ... шайт ... ур. Нянь да сов!
- Атьё!

**37 удж.** Лыдды да гөгөрво текстсө. Кызди шусьёны татшөм сикас текстъясыс?




Лосьөд ассьыд вөзийөм. Петкөдчы ёртъяс водзын.

**38 удж.** Вуджөд шусьөгъяссө. Аддзы роч кывйысь лөсялана пөв.

1. Он кө уджав, он и сөй.
2. Гудралін рок, эн жалит и вый.

3. Өти уджалө, а сизимөн нянь куд видзёны.
4. Ыж яйысь юква он пу.
5. Кыйтём дозмёрсыд шыд он пу.
6. Шыд да рок – медбур вок.

**Т** Тодмав ребусъяс. Дзеб ребусö 2–3 сёян-юан ним.



**39 удж.** Лыдды да вуджöd.

### **Картапеля тшак.**

Корйөн пуом картапель весавны да вундавны торъяс вылө. Весавны сідзжө лук, мыськыны сійёс да вундавыны. Сэсся сэтчө жö содтыны вундалөм сола тшак. Ставсö мичаа гудравны да кöнтусь выявыны.

### **Вотöса йöв.**

Позьö вöчны пувйысь, чöдйысь, чöдлачысь, озйысь, öмидзысь. Вотöссö, öмидз кындзи, колö мыськыны, пуктыны тасьтйö. Сэсся кисьтны сэтчө кöдзыд йöв. Көр серти содтыны сакар.

### **Маа лымвий.**

Пуктыны лымвий ичöt дозъясö. Вылыссö кисьтавыны маөн. Мичмöдны кольтусьöн да зыртём шоколадөн.



Дасьты гортад бöрйöм рецепт серти сёян.



## ӨТВЫВТАН ДА ТОРЙӨДАН ВЕЖЛӨГЪЯС. СОЕДИНИТЕЛЬНЫЙ И ЛИШИТЕЛЬНЫЙ ПАДЕЖИ

Өтвывтан вежлөг	<b>Кодкөд? Мыйкөд?</b> <i>С кем? С чем?</i>	- <b>көд</b>	с
Торйөдан вежлөг	<b>Кодтөг? Мыйтөг?</b> <i>Без кого? Без чего?</i>	- <b>төг</b>	без

эмакыв	+	<b>-көд</b>	=	мамкөд өшинькөд орччөн мекөд	с мамой рядом с окном с сестрой
нимвежтас	+	<b>-төг</b>	=	ёрттөг паньтөг тэтөг	без друга без ложки без тебя



**-көд** содтам ловъя эмакывъяс дорө; ловтөм эмакывъяс дорө содтам сэк, кор эм **орччөн** кывбөр.

Пример вылө:

*гуляйта понкөд*

*сулалө шкапкөд орччөн*

*ёртася нывкакөд*

*куйлө небөгкөд орччөн*

**40 удж.** Бөрйы лөсялана вежлөг суффикс.

Талун ме ордө локтасны класса ёртъяс. Асывсянь ми пöч... пöжасим. Сэсса мам... дасьтiм лымвый. Батьö ветлiс лавкаö сок... да лимон... .

Пуксим пызан сайö. Ме веськалi Настук... . Сийö радейтö чай лимон..., а лымвый кольтусь... .

Кутшöм лöсьыд коллявны прöст кад котыр... да ёртъяс... !

#### 41 удж. Комиод колана ногон.

1) Мы ходили в магазин с папой. 2) Стол стоит рядом с окном. 3) Бабушка пьёт чай с мёдом. 4) Я ем макароны вилкой. 5) Тётя пьёт чай без сахара. 6) Ложка лежит рядом с тарелкой. 7) Сестра ест суп без хлеба. 8) Брат играет с котёнком, мячиком. 9) Мама мешает суп большой ложкой. 10) Дети делали покупки без взрослых.



Лосьод ашөр удж «Менам радейтана сёян-юан».

План:

1. Сёян-юанлөн ним.

2. Дасьтём вылө вөлөга.

3. Дасьтём.

4. Этш петкөдлан кывъяс. *(Нянь да сов! Чай-сакар! Чöскыда сёйны! Кывтö эн(ö) ньылышт(öй)!*)

42 удж. Лыдды текстсö да аддзы нянь йылысь шусьөгъяс.

Нянь эм нянь. Нинёмөн сійос он веж. Нинёмкөд он өткодяв. Олом абу шань, кор абу нянь. Няньтöгыд куш да вильыд.

Йöз нэмсö силісны öта-мöдныслы нянь да сов. Семья кутысьöс, кöзьяинöс, шулісны эз прöста вердысь-өн – няньөн вердысьөн. Эм кö көрöвай, сэки и коз улын рай, сы вöсна мый оз пась шонты, а нянь.





















Нянь – сійö олөм. Йöз костын шуöны: ваыд пö матушка, няньыд – батюшка.

*Г.Беляев серти*






Төдмась коми серьясён. Комиод нимгьяссё.

грабли 	мужчина 	солнце 	молодой олень 
следы 	филин 	чайка 	чум 
оленевод 	молодой олень 	корова 	взрослый олень 
лось 	утка 	пила 	ель 
баран 	компас 	рыба 	дерево 

44 удж. Төдмав,  
мый серпасалёма да  
мичмод коми серьяс-  
ён.


Вөдитчы отсөг вы-  
лө сетом таблицён.

Аддзы небөгьяс-  
ысь содтөд серьяс.





**Т** Төдмав юржуглан коми серъяс отсөгөн.



## ЛЫДАКЫВ. ИМЯ ЧИСЛИТЕЛЬНОЕ

Сложной лыдакывъяс гижсьёны отлаын.  
Пример вылө:

**тыр дасьяс**

*сизимдас*

*көкъямысдас*

*өкмысдас*

**тыр сёяс**

*кыксё*

*куимсё*

*нэльсё*

*витсё*

*квйтсё*

*сизимсё*

*көкъямыссё*

*өкмыссё*

Составной лыдакывъяс гижсьёны торйөн, артмёны  
кык либө унджык кывйысь.

Пример вылө: *кыксё нелямын өти*  
*сюрс сё сизимдас кык*  
*кык сюрс көкъямыс*

**45 удж.** Гиж ас йывсьыд, содтав лыдакывъяс.

Меным ... арөс. Тушалөн кузьтаыс ... метра ... санти-  
метра. Съөктай ... килограмм. Новла ... размера паськөм,  
... размера көмкот.

### Мый тэнад юр вылад?

Психологъяс казялөмаось, пасьталан кё юр вылад кутшөмкё шапка, тшөкыдджыка видзөдчан рөмпöштанө. Юркышөд унатор вермас висьтавны тэ йылысь.

Öти рөма либө прөстөй гижөда шапка новлөны спортивной йөз. Тайө юркышөдсө новлысьяс тэрыбөсь, кокни руаось, радейтөны компанияяс да кыпыд шылад.



Берет новлысьяс кыпыд лолаось. Тайө юркышөдсө радейтөны новлыны ен-биа йөз, найө кужөны адззыны мичлун, кывны сьөлөмөн.



Колпак новлысь йөз зэв шаньөсь, радейтөны сёйыштны. Мукөддырйи найө вывтi меліөсь да нэрөсь.



Вылө көрталөм пеля гөна шапка новлөны вежөра йөз, шуам, политикъяс, бизнесменъяс, наукаын уджалысьяс. Найө радейтөны вензыны, кужөны веськөдлыны.



Кепка позьө новлыны уна ног: бокөн, бөрөн, веськыда. Тайө юркышөдыс петкөдлө власьт дорө сибыдлун, вьльтор дорө кыскөм, асьтө петкөдлөм.



Шляпаяс новлөны аньяс да нывъяс, кодъяс кужөны лөсьыда пасьтасьны. Найө зэв мичаось да стильнойөсь, кыскөны ас дорас йөзөс.



? 1. Позьө-ө шапка серти донъявны мортөс?

2. Кутшөм юркышөд радейтан новлыны тэ?
3. Кутшөм тэ морт юркышөд серти?



Серпасав вөвлытөм юркышөд. Лөсьөд юөртгор.

План:

1. Кыдзи шусьө юркышөдыд?
2. Кутшөм сійө?
3. Коді сійөс новлө?
4. Кытчө сійөс пасьтавлөны?

47 удж. Комиөд юргижөдъяс.

**Школа**  
**№43**

**Магазин**  
**«Одежда и обувь»**  
**№387**

**Аптека**  
**№121**

**Квартира**  
**№656**

**Магазин**  
**«Продукты»**  
**№230**

**Дом**  
**№194**

**Квартира**  
**№85**



Сөрнит ёртыдкөд лавкаын паськөм бөрйөм йылысь.

- Видза оланныд! Мый ті көсьяанныд ньөбны?
- Видза оланныд! Ме көсья ньөбны пөчөлы козин вылө мича чышъян.
- Матыстчөй татчө да бөрйөй. Кутшөмджык тиянлы колө?

- Ме эськө босьтi шоньд, но кокни чышъян.
- Кутшөм рөм тiянлы кажитчө?
- Кажитчөны гөрдөв рөмъяс.
- Со видзөдлөй тайö чышъянъяссө: шоньдөсь да кокниөсь, югыдгөрд, пемыдгөрд, алөйгөрд рөмаөсь.
- Ме босьта со тайö югыдгөрд чышъянсө. Аттьö от-сөгьсы!
- Бур вылө! Мынтөй кассаö 375 шайт.
- Аддзысьлытөдз!
- Став бурсө! Волөй нөшта!



Лөсьөд ёртыдкөд сёрни козин бөрйөм йылысь.

**48 удж.** Лыдды да гөгөрвоөд шусьөгъяссө.

- 1) Морт серти и паськөм.
- 2) Кутшөм поводдя, сэтшөм и паськөм.
- 3) Удж серти и паськөм пасьталан.
- 4) Паськөм серти он на төдмав мортлысь пытшкөссө.

**49 удж.** Вузасянин нимьяс серти төдмав, мый сәни вузалөны?

**ТУЛАН**

**МИЧА**

**ШЫДӨС**

**РАЙДА**

**ВИЗУВ**

**50 удж.** Вочавидз юаломъяс вылө.

1. Кутшөм вузасянннъяс эмось тiян карын (сик-тын)?
2. Мый сэтысь позьö ньöбны?

Отсöг вылө кывъяс: *сёян-юан, көлуй, чача, козин, мичмөдчантор, тасьти-пань, пызан-улөс.*



## СОСЯНА КАДАКЫВЪЯС. ОТРИЦАТЕЛЬНЫЕ ГЛАГОЛЫ

Соссяна кадакывъяс артмöны соссяна кывторъяс отсöгөн.

### Öнiя да локтан кад. Настоящее и будущее время

ме	<b>ог</b> новлы	ми	<b>огö</b> новлöй
тэ	<b>он</b> новлы	тi	<b>онö</b> новлöй
сiйö	<b>оз</b> новлы	найö	<b>оз</b> новлыны

**51 удж.** Вежлав кадакывъяссö соссяна формын.

Тöдны, пасьтавны, ветлыны.

Морт	Öтка лыд	Морт	Уна лыд
I		I	
II		II	
III		III	

**52 удж.** Комиöd кадакывъяссö. Лöсьöd 3 сёрни-кузя.

Не меряешь, не подходит, не покупаем, не спрашиваю, не смотрю, не украшают, не наряжаются.

**53 удж.** Бөрйы да содты соссяна кывтор.

1. Ме (ог, он, оз) новлы пемыд рёма паськём.
2. Ичөт-ичөт, а керкао (ог, он, оз) лэдз. (*Нөдкыв.*)
3. Менам ёртгъяс (огө, онө, оз) паныдавны йөзөс паськём серти.
4. Кутшөм паськём тэ (ог, он, оз) радейт?
5. Ми (огө, онө, оз) торкалөй уличыввса кесйөггъяс (правилөяс).
6. Ти (огө, онө, оз) төдөй, кытысь позьө ньөбны козин?

**54 удж.** Комиод кадакыввьяссө да куимос на пиысь вежлав соссяна формалон оня кадын. Лөсьод 3 сёрникузя.

Мерять, подходить, купить, спросить, смотреть, украшать, наряжаться.



## ПАСЬКӨМӨН ВУЗАСЯНИНЫН.

**ДӨРА**



**РӨМ**




**ПАСЬКӨМ**



## РАЗМЕР



## ВИДЛАЛӨМ



## КОРӨМБЯС



**55 удж.** Лөсьөд висьтасьөм «Паськөм лавкаын». Вөдитчы соссяна кадакывъясөн. Заводит тадзи:

Шойччан лунө ме муна спектакль вылө. Меным колө выль платтө да мичмөдчанторъяс. И со ме «Паськөм» лавкаын...

**56 удж.** Корсь коми зумыд кывтэчаслы роч пөв.

Пасьтөм рака кодъ.  
Пасьтасьөма да чер  
ни пурт оз мөрччы.

Пась ни көм.

Гач зыртны.

Сарапана пошта.

Штаны протирать.  
Ни одежды, ни обуви,  
беден.

Гол как сокол,  
не богат одеждой.

Оделся красиво и  
аккуратно.

Сплетница.



Серпасав 1–2 зумыд кывтэчас.



57 удж. Корсь серпасъясысь сорсьём.



Лосьод ёртъясыдкөд «Вузасынінын» петкөдчөм.



58 удж. Комиод вузасянінлысь уджалан кад.

### РЕЖИМ РАБОТЫ МАГАЗИНА «ИГРУШКИ»

понедельник – пятница перерыв	с 10.00 до 19.00 с 13.00 до 14.00
суббота	с 10.00 до 18.00 без перерыва
воскресенье	выходной

59 удж. Лыдды да гөгөрво текстсö.

Классическөй джинсы материал – кык рöма. Орт-сысянныс сійö лöz, пытшкөссянныс – дзик еджыд. Но öні эмöсь сьöд, лöz, гөрдовлöz, югыдгöрд, вижовгöрд рöма материалгъяс.

Выль гачтö ньöбигöн медводз, дерт жö, видзöд модель вылас. Джинсылы колö лоны дзик туша сертиыд: дзебны тырмытöмторгъяс да нöшта на мичмöдны новлысьсö.

Ньöбöм водзад сюся видзöд, медым материалыс гачыдлөн вöлі öткодя краситöма. Колö тöдны и сійöс, мый фирменнöй джинсылөн вурьяс эм гöрд сунис.



Серпасав да вöзйи öнiя том йöзлы ассьыд паськöм. Позьö уджавны ёртыдкöд.

# Т





### Козин.

Чужан лунö пыр нин öта-мöдлы козинъяс вайлöны. Со и Максимлөн талун чужан лун. Кор гöсьтъяс разöдчисны, Максим босьтчис видлавны козинъяс. Медъёна зонкалы воис сьölöм вылас Витялөн клюшкаыс. Павлик вайöма «Опасные повороты» ворсантор. Абу жö лёк. А Нина вайöма козин – небöг. «Мöдысь Павликöс да Витяöс бара кора, а Нинаöс ог кор, – думыштис Максим. – Мед бур козин вайис дай».



*Е.Габова серти*



1. Мыйла Максимлы вайисны козинъяс?
2. Мый зонкалы медъёна воис сьölöм вылас?

**62 удж.** Дасьтысь да гиж изложение «Козин» висёт серти.



### КАДАКЫВЛÖН ТШÖКТАНА ФОРМА АРТМÖМ. ОБРАЗОВАНИЕ ПОВЕЛИТЕЛЬНОГО НАКЛОНЕНИЯ ГЛАГОЛА

II морт öтка лыд	дасьтысьны – дасьтысь 'готовься'
II морт уна лыд	дасьтысьны – дасьтысьöй 'готовьтесь'
Соссяна форма:	эн дасьтысь 'не готовься' энö дасьтысьöй 'не готовьтесь'

**63 удж.** Лыдды ёртъясыдкөд рольяс серти. Аддзы тшөктана формаа кадакывъяс.

### **Госьтъяс.**

Талун Юралөн чужан лун. Сы дорё локтісны госьтъяс. Найё вайисны ёртлы козинъяс: Вова – машина модель, Катя – уна рёма фломастеръяс да альбом, Маша – бур небөг, Коля – шоколад кампет көрөб.

Ставён сетісны козинъяс Юралы.

– Пуксьöй пызан сайö, дона госьтъяс. Чöсмасьöй, энö яндысьöй!– корис ыджыд вежöсö Юралөн мамыс.

Чöсмасьöм бöрын Юра кутіс ворсны ёртъяскөд. Сэсса воис Вася. Юралы лоис нимкодъ. Сійö думыштіс: со нöшта госьт, нöшта öти козин.

Но Вася локтöма козинтöг.

– А көні нö козиныд?– юалис Юра Васялысь.

– Кутшöм козин?– чуймис Вася.

– Менам öд чужан лун!– дözмис Юра.

– Ме эг тöд,– ньöжійö висьталіс Вася.

– А öні тöдмалін? Сідзкө, ветлы козинла!

Тайö кыліс Юралөн мамыс. Сійö шуис:

– Некытчö эн мун, Вася. Ми тэнö виччысим, а эгö тэнсьыд козинтö.

Юра кыліс мамлысь кывъяссö, гөрдöдіс да лэдзис юрсö. Кыдзи тэ чайтан, мыйла?

**64 удж.** Сетöм кадакывъясысь лöсьöд тшөктана формаа кадакывъяс öтка да уна лыдын.

Лыддыны, висьтавыны, чолöмавыны, ветлыны, пуксьыны, вочавидзны, чöсмасьны, сёйны, дасьтыны, ворсны, шуны, петкөдлыны.

**65 удж.** Лыдды да гөгөрво. Висьтав аслад праздник пызан йылысь.

### **Праздник пызан.**

Тайö менам праздник пызан. Сэни эм черинянь, рыська шаньга, яя да град выв пуктаса сорасъяс, пражитём чипан да картофеля рок, пувва да лимонад, юмовторъяс, яблөг да апельсин. Пызан шöрын – чöскыд торт.



Велöд да сыв сыланкывсö.

### **Крокодил Геналён сыланкыв.**

Кывъясыс Э.Успенскийлөн  
Сыланногыс В.Шаинскийлөн  
Комиöдiс О.Уляшов

1. Медым гөпъясти мунö  
Пода ветлысь зэв уна,  
Асфальт туй кузя визувтö ю.  
И оз тöд ветлысь-мунысь  
Тайö бушкала луннас,  
Мыйла чужöмöс югзьöдö нюм.

2. Локтас виччысьтөг тōдысь  
Кельыдлōз вертолётон,  
Донсō босьттөг мен вōчас кино.  
– Чужан лунōн!– мен шуас,  
Сэсся кытчōкō мунас.  
Коляс меным сē вит эскимо.

Припев:

А ме ворса-гудōкася  
Ветлысь-мунысьяс водзын.  
И зэв жаль, мый чужан луныд  
ōтчид во пытшкын.

**66 удж.** Комиōд текстсō.

### **Чужан лун пасйōм.**

31 января у меня был день рождения. Я пригласил(а) гостей, приготовил(а) много вкусных блюд. С бабушкой испек(ла) большой, красивый торт. С мамой сделал(а) мясной, овощной и фруктовый салаты.

Вечером собрались гости. Поздравляли меня с днём рождения, подарили подарки. Мы угощались, пели, танцевали, играли. Было очень весело. Жаль, что день рождения только раз в году.

**67 удж.** Лыдды кывбурсō. Пуктōй рольяс серти.

### **Кōчлōн праздник.**

Талун Кōчлōн чужан лун од.  
Воас гōсьт и гōстя уна.  
Кильчō вылō сувтис Кōч –  
Гōсьтьяс воасны вот стōч.  
Ма со кыскō Ош – дзонь бōчка –  
Колō козинавны Кōчтō!

Ичөт Ур со, щөть кодъ уска,  
Вайö телега тыр сус коль.  
Шедіс ручлы уна мык –  
Нуö Көчыдлы пуд кык.  
Кань со кыскö, ружтö-кашкö  
Нөкйөн ыджыд-ыджыд кашник.  
Кöза нөбъялöма морков,  
Воис Көч керкаö коркö.  
Козин эз вай Ваткыль миян,  
Но оз тöждысь зонмыд сійö;  
Эм кö Ваткыль, оз босьт шог:  
Гудökөн йөктöдас кок.  
Веж луд вылын чужан лунö  
Гажа праздник Көчлөн мунö,  
Гажыс ыджыд, гажыс ён –  
Йөктö Ош и Руч, и Пон.

*В.Лыткин серти*

**68 удж.** Дасьтöй проект «Талун менам чужан лун».

1. Бөрйöй именникöс. Лөсьöдöй гажлунся пызан.  
Дасьтöй сылы чолөмалан откыртка да козингъяс. Ссылöй  
сыланкывъяс. Пасйöй чужан лун.

2. Кор гөсьтгъясöс тадзи:

– Чолөм, Настук!

– Видза олан!

– Аски менам чужан лун. Волы ме дорö гөститны.

– Аттьö. Вола.

3. Паныдав гөсьтгъясöс да пуксьöд пызан сайö.

– Чолөм, дона гөсьтгъяс! Пырöй, пөрччысьöй.  
Пуксьöй пызан сайö. Чөсмасьöй. Со картупеля шангя,

пувъя пирөг, льомъя ляз, нөкъя ельдөг, пражитом чери,  
яя картупель, яблөга сок, шоколад кампет.

4. Бур кывъясөн козналөй именниклы козинъяс,  
ссылөй сыланкыв, ворсөй.

Пример вылө ворсөм: именник нимысь быд  
шыпас вылө корсөй мича кывъяс.

М	мича, мелі
И	ичөт, идөра
Ш	шань, шондіа-руа
А	авъя, ашөр

5. Сөрнитөй кодзула пасъяс йылысь.

– Кутшөм кодзула пас улын тэ чужин?

– Ме чужи ... пас улын. А тэ?

– Кутшөм йөз чужоны тайө пас улын?

– Тайө пас улын чужөм йөз шаньөсь да веськы-  
дөсь, но мукөддырйи дышөсь.

6. Ыдждөдлөй именникөс.

### **Тупөсь нянь.**

– Кыдзи Мишук чужан лунө

Пөжалім ми тупөсь нянь.

Тупөсь нянь, тупөсь нянь,

Пөжалім ми тупөсь нянь.

Эта судта, эта ляпта,

Эта пасыта, эта векня.

Тупөсь нянь, тупөсь нянь,

Бөрйы, кодөс радейтан!

– Радейта ме ставнысө,

А медъёна ...өс!



7. Аттьöалöй кöзйякаöс.

– Ыджыд аттьö, ставыс вöли зэв чöскыд. Ёна и гажöдчим. Став бурсö тэныд!

8. Колльöд гöсьтьясöс:

– Дона гöсьтьяс! Аттьö волöмсыд да козинтьяс-сыд. Мöдысь на пыралöй-волöй.

**69 удж.** Визьяс местаö бöрйы да содты колана суффиксьяс да кывбöрьяс.

### Даша\_1\_ чужан лун\_2\_

Шойччан лунö ме ветл\_3\_ Дашаясö. Даша\_4\_ вöли чужан лун. Сийö кор\_5\_ гöсьтьяс\_6\_. Нывка мамыс\_7\_ дасьт\_8\_ праздникывса пызан. Гöсьтьяс йöкт\_9\_, сьыл\_9\_, чöсмас\_9\_ уна пöлöс сёян-юанön, чолöмал\_9\_, козьнал\_9\_ козинтьяс. Коми радио\_10\_ весиг сьыланкыв Даша\_4\_ сьылісны. Вöли зэв гажа. И зэв жаль, мый чужан луныд öтчыд во\_11\_. Сиа Дашалы бур ёртъяс\_6\_, дзоньвидзалун, радлун\_6\_, бура велöдчыны.

1. -лысь, -лөн, -кöд
2. серти, сайын, вылын
3. -і, -існы, -ім
4. -öс, -лы, -лөн
5. -им, -ис, -ин
6. -ын, -öс, -□
7. -кöд, -лысь, -ті
8. -існы, -інныд, -іс
9. -ам, -існы(-исны), -öны
10. серти, пыр, кузя, вылö
11. дорын, пытшкын, сайын, дорö



**70 удж.** 69 удж вылö мыджсьöмön лöсьöд ас текст.




## МЕНАМ РАДЕЙТАНА УДЖ, ВОРСӨМЪЯС



вылө донъявны – высоко оценить  
 киён вермасьём – армвреслинг  
 киподтуй – умение  
 котыртны – организовать  
 кёрталём – завязанный  
 кыйёдны – выслеживать  
 лыддысянкыв, пудъясянкыв – считалка  
 ордйысьны – соревноваться  
 ордйысьём – соревнование  
 петкөдчыны – выступать  
 пудъясьны – кинуть жребий  
 пырөдчыны – участвовать  
 сьёкыдтор лэпталём – поднятие тяжести  
 сюрны – хватать, достаться  
 чуймөдны – удивить  
 шег – баранья косточка (атрибут коми игры)  
 шөрин – центр



## ПЕТАН ВЕЖЛӨГ. ИСХОДНЫЙ ПАДЕЖ СО ЗНАЧЕНИЕМ СПОСОБА ДЕЙСТВИЯ

Петан вежлөг	<i>Мыйысь?</i> <i>Во что?</i>	 -ЫСЬ	В
-----------------	----------------------------------	---	---

Коми кывйын петан вежлөг вермө индины дей-  
ствие вөчанног вылө.

Пример вылө: *ворсны футболысь, компьютер  
ворсөмысь.*



ворсѓм + <sup>^</sup>-ысь  
хоккейысь  
баскетболысь

предмет + <sup>^</sup>-ѓн  
мачѓн  
аканьѓн

**71 удж.** Лыдды да гѓгѓрво текстсѓ. Вочавидз юалѓмгъяс вылѓ.

Быд во Коми республикаса олысьяс кыпыда да паськыда пасйѓны юркар лун. Быдлаын позьѓ пырѓдчыны конкурсъясѓ, вочавидзны викторинаяс юалѓм вылѓ, кывзыны да видзѓдны сьылѓм-йѓктѓм, ворсны.

Ставныслы сюрѓ гажѓдчѓмыд. Ичѓтгъяслы котыртѓны асфальт вылын серпасасян конкурс. Шѓр арлыда челядьлы вѓзйѓны спортивнѓй ворсѓмгъяс: кодѓ ылѓджык чеччыштас, стѓча веськалас мишеньѓ, ѓдйѓджык котѓртас. Томгъяс Киров нима паркын ворсѓны волейболысь, футболысь. Мужичѓйяс ордысьѓны сьѓкыдтор лѓпта-лѓмын, киѓн вермасьѓмын. Аньяс петкѓдлѓны киподтуйсѓ: чѓсмѓдлѓны пѓжасъясѓн, чуймѓдѓны ас киѓн вѓчѓм-торгъясѓн. Олѓмаяслы котыртлѓны шахматысь ворсѓм.



1. Кор Коми Республикаын пасйѓны юркар лун?
2. Кыдзи войтыр гажѓдчѓ тайѓ лунѓ?
3. Овлѓ-ѓ тѓян сикт (кар) лун? Кыдзи тѓ гажѓдчан-ныд?

**72 удж.** Содты лѓсялана вежлѓг суффикс.

- 1) Ми ѓртгъяскѓд быд лун ворсам волейбол... .
- 2) Коми культура шѓринын овлѓны шегй... ордысьѓмгъяс.
- 3) Детинкаяс радейтѓны ворсны машина..., а нывкаяс акань... .
- 4) Миян школаын котыртѓсны футбол... ордысьѓм.
- 5) Шойччан лунѓ став котырѓн ворсам

лото... . 6) Төвнас физкультура урок вылын ми котра-  
лам лызь... . 7) Карса стадион вылын рытьяснас том  
йөз исласьоны коньки... . 8) Йөввыв дырйи комияс ва-  
жысянь нин ворсөны кыр босьтөм... .



– Миша, тiян школаын эм баскетболысь да фут-  
болысь секцияяс?

– Эм, дерт. Но ме ёнджыка радейта ворсны волей-  
болысь. Тайö секцияö и ветла.

– А меным кажитчö вöчасьны ас киён. Миян  
«Мойдвывса сёй» кружокын зэв лöсьыд. Ми унатор нин  
кужам вöчны сёйысь.

– Миян команда неважөн вермис районса ордйисьö-  
мын. А тi көнкö петкөдчанныд?

– Миянлысь уджъяс быд во вылö донъялöны оз  
сöмын районын, но и республикаса «Кужысь кияс»  
вермасьöм вылын.

– Меным нимкодъ тiян понда. Став бурсö!

– Аттьö! Тiян вермөмъясыд водзын на. Аддзысь-  
лытöдз!

**73 удж.** Лыдды да гөгөрво пудъясянкывъяс. Велöd  
да вöдитчы ворсiгөн.

Тiрс-торс,  
Куим стöкан морс.  
Он кö вöдит,  
Он и ворс!

Öтчыд мамö ньöбис ботi.  
Кык лун видзи, сiйö потi,  
А мөдсö – ачым сотi.

**74 удж.** Комиöd ворсөмсö. Вöдитчы «Роча-комиа  
кывчукөрөн».

## Быстрый олень.

Издrevле коми прославились как опытные охотники. Много зверя водится в наших лесах: и белка, и медведь, и лось, и олень! Но поймать этого быстроногого красавца не так-то просто! Для игры нужно выбрать Оленя и Охотника. Все становятся в круг. Растягивают по краю красную ленту. Это – поляна. Олень бежит с колокольчиком по поляне. Задача Охотника – с завязанными глазами поймать Оленя.

Для игры нужны повязка, колокольчик, красная ленточка. Несколько человек могут играть роль деревьев, чтобы олень за ними прятался.



Ворс ёртъясыдкөд «Тэрыб көр» ворсöмысь.

75 удж. Лыдды ичöтик висьтсö. Мыйöн сійö аслыспöлöс?

## Вотчисны.

Ваня Валякөд ворсисны волейболысь.

– Вай ветлам вадйö вуграсьны, вөрö вотчины, – вöзйис Ваня.

– Ветлам-ветлам, вокöй, – варова Ваньöлы вочавидзис Валя.

Ваня вуграсис, Валя вотис ведраö вотöс. Вотчис вывтi визула. Водз воисны вöрысь. Вотöссö весалисны, вöчисны варенньö.



Лöсьöд ичöтик висьт öти шыпас вылö. Ордйысь класса ёртъясыдкөд, кодлөн висьтыс лоас кузьджык.



Классöн лöсьöдöй неыджыд серпаса небöг.

**76 удж.** Аддзы, кутшöм визьын коми овъяс тэчöма стöч алфавит серти.

1. Гичев, Канев, Кинев, Касев, Томов, Пыстин, Кузьбожев.

2. Гичев, Канев, Кинев, Касев, Кузьбожев, Пыстин, Томов.

3. Гичев, Касев, Канев, Кинев, Кузьбожев, Томов, Пыстин.

4. Гичев, Канев, Касев, Кинев, Кузьбожев, Пыстин, Томов.



Ф.Плесовскийлөн «Коми овъяс» небöг отсöгөн тöдмав, кызди артмöмаöсь коми овъясыс.

**77 удж.** Гиж куим шыпаса кывъяс чепөн. Ордйысь ёртъясыдкöд.

**Лым – мыр – рöм – мач – ч...**

**78 удж.** Содты слог, медым артмис кык кыв.

Пример вылö: *ми (ча) сi*

юр (...)	кöтш	сын (...)	йö
чуж (...)	идз	пыс (...)	нi
пар (...)	зи	ма (...)	ля
кер (...)	га	öм (...)	ас



78-öд удж серти лöсьöд да вöзйы ёртъясыдлы кык-куим кыв гоз.

**79 удж.** Юксёй командаяс вылө. Бөрйөй уна шыпаса коми кыв. Сетөм кывйысь шыпасъясөн лөсьөдöй выль кывъяс. Ордйысьöй.

Пример вылө: *серпасасяннн (серпас, сер, пас, ас, ар, рас, ин ...)*

Отсöг вылө кывъяс: *кодзувкоткар, лышкыдлун.*



Тöдмась коми ворсөмъясөн. Ворс ёртъясыдкөд.

### **Варыш.**

Ворсөм водзын бөрйöны кык ыджыдджык да ёнджык мортöс. Öтиыс лöө варышöн, а мöдыс мамöн. Мукöд ворсысьыс сувтö мам сайö. Варыш пондас котравны да кыйöдны челядьöс. А мам кисö шевкнитöмөн видзö пышйöдöмысь. Вермас кö варыш пышйöдны мамлысь став челядьсö, сэж мам нин пышйö варышысь. Варыш кутас мамсö да сэся ворсöны выльысь.

### **Ёма.**

Ёмаысь ворсöны 8–12 морт. Пудъясянкывйöн бөрйöны Ёмаöс да Кöзьяйкаöс. Мукöд ворсысьыс – ыжъяс. Кöзьяйка сетö быд ыжлы ним (шуам, вотöс, дзоридз, пу, пемöс нимъяс). Кöзьяйка «йирсьöдö» ыжъясöс видз вылын да унмовсьö. Локтö Ёма да гусялö ыжъяссö. Кöзьяйка садьмö да корö ыжъясöс нимъяснас. Ыжъяс да Кöзьяйка костын сулалö Ёма, оз лэдз, куталö ыжъясöс. Ворсөм помын колö лыддыны, кымын ыж воöдчис Кöзьяйкаöдз, а кымынöс кутис Ёма. Кодлөн унджык – сийö и вермис.



Тöдмась коми ворсөмъясөн Ю.Г. Рочевлөн «Коми челядлы важъя ворсөмъяс» небöгысь.





пуд. Медводдза судтаын пөрччысянін, веськөдлысьлөн вежөс, сёянін да ичөт класса челядьлөн велөдчан вежөсьяс. Шуйгавылын – ыджыд спортивнөй зал. Мөд судтаын коми да роч кыв, математика, химия, биология да менам радейтана информатика вежөсьяс. Кыкнан судтасө мичмөдөма серпасъясөн, өшиньяс вылын сулалөны мича дзоридзьяс. Таво мян школалы тырис 20 во.

**81 удж.** Лыдды да вуджөд.



Менө шуоны Миша Расовөн. Велөдча ме Искусствояс гимназияын. Гимназия – искусствояслөн ді.

Енбиа челядь, локтөй велөдчыны гимназияө! Ті велаланнуд бура сывны, йөктыны да ворсны шылада инструментъясөн!

**82 удж.** План серти гиж ас висьт. Дасьтысь висьтавны аслад велөдчанін йылысь.

1. Көні тэ велөдчан?
2. Кутшөм тэнад школаыд? Кымын судтаа?
3. Мый сэні эм?
4. Кымын во тіян велөдчанінлы?

**83 удж.** Нуөд экскурсия радейтана судтаөд. Дасьты план серти висьтасьөм.

1. Велӧдчанінын кутшӧм судта тэныд кажитчӧ?
2. Мый сәні эм?
3. Мыйӧн сійӧ тэныд кажитчӧ?
4. Кутшӧм ин тайӧ судтаын тэнад радейтана?



Лӧсьӧд реклама аслад велӧдчанінлы.



Коми Республикаса Юралысь бердын искусствояс гимназиялӧн канпас да дӧрапас.

**84 удж.** Быд школалӧн эм аслас символъяс: дӧрапас, канпас да кыш. Лӧсьӧд и тэ.

**85 удж.** Съыв ёртъясыдкӧд школа йылысь сыланкыв.

### **Школа йылысь сыланкыв.**

(А.Островскийлӧн «Солнечный круг» сыланкыв шылад улӧ)  
Кывъяссӧ лӧсьӧдісны вильгортса шӧр школаын велӧдчысьяс

1

Велӧдчысь ёрт, тэ водзын мог —  
Тӧдӧмлун школаын босьтны.  
Лоан мед тэ бур мортӧн, дерт,  
Нималан ылӧдз мед век.

## ПРИПЕВ:

Медым пыр лоас школа  
Кыпыд, югид, зэв колан.  
Челядь гөлөс пыр кылас,  
Челядь серамөн тырас.

## 2

Му вылын мед некор оз ло  
Война да шогалан лунъяс.  
Мед вөлі мир, эз киссьы вир,  
Ёртасян гаж юргис дыр.



Видлы лөсьөдны велөдчөм либө школа йылысь  
сьыланкыв.

**86 удж.** Велөдчы колана ногөн лыддыны кывпесанъяс.

## Кывпесанъяс.

### «Ө»

Өтчыд Öньö өмидз өктіс,  
Öдва өкмис өти көш.  
Öвад өдөлитіс-вөтліс,  
Öньö скөрмис – корсьö нөш.  
Öдзөс бокысь, өшинь улысь  
Нөшсö корсьö, Öньö скөр.  
Öгрö тьöтыс шуö: «Öвсы,  
Öпöть өмөй колö ньөр?»

### «Дж»

Ыджыд мыджөд  
Джыджыд вуджис,  
Джуджыд көджын  
Джыджлөн поз.  
Джыджыд гыджгö –  
Ыджыд уджыс,  
Джыджлы уджавтөг  
Оз позь.

*Н.Шукин*



Казьтив 5-өд класса небөгысь кывпесанъяс. Артмас  
кө, лөсьөд ачыл.



Лыддһой рольяс серти.

Юрөбтис звөнок. Классö пырис Ольга Николаевна. Сийö пыр и казялис стенин серпасалөм морячокөс. Чу-жөмыс велөдысьлөн лои стрөг.

– Коді тайөс серпасалис?

Ставныс пукалисны шы ни төв. Некод эз чеччы да эз висьтась.

– Ті өмөй онө төдөй, мый класс колө видзны сөс-төма? Мый лоө, быдөн кө кутас серпасасьны стенө?

Бөръя урок вылас классö воис директор Игорь Александрович. Сийö чөла висьталис миянлы, мыйта сьөм видзö государство быд велөдчысь вылө, кутшөма колө видзны школаса эмбур.

– Сийö, коді серпасалис стенас, дерт, оз көсйы вөч-ны омөльтор школалы. Сийö кө ачыс висьтасяс, то пет-көдлас, мый сийö честной морт.

Урокъяс бөрын Толя Дёжкин матыстчис Игорь Грачёв динө да шуис:

– Эк, тэ! Мыйла стенас рисуйтін? Тэ вөсна став классыс лои мыжа!

– Ог төд, но ме сэсся ог кут, – көсйысис Игорь.

Игорь босьтис ветьök да чышкалис стенись моря-чоксö, но сы местаö колис ыджыд чут.

*Н.Носов серти*



1. Мый вөчис Игорь? Буртор али лектор?
2. Вөлис-ө татшөмторйыс тэкөд?
3. Кыдзи ті видзанныд школаса эмбур?

**87 удж.** Лыддһы да гөгөрво висьтсө. Вочавидз юалөмъяс вылө.

## Аттö дивö.

Ваня Пипуныров медводдзаысь мунис школаö. Том велöдысьö шуисны Татьяна Николаевнаöн. Сийö неважөн воис Катыдпомö да челядькöд эз вöв тöдса. И медводдза урок дырйи велöдысь сувтöдлис быд первоклассникöс, юавлис ним-овсö. Ковмис и Ванялы ассьыс ним-овсö висьтавны.

– Пипуныров Иван, – вель ярскöба висьталис Ваня. Öртьöм Коля парта сайсьыс чеччывтöг гораа юöр-ти:

– Татьяна Николаевна, абу сийö Иван. Аттöдивöөн шуöны.

Ваня гöрдöдис пельöдзыс, весиг синваыс пондис доршасьны. А Татьяна Николаевна мелиа нюммунис да юалис:

– Коді нö, Ваня, сетис тэныд татшöм тешкодь мöд нимсö?

И Ваня висьталис аслас ыджыдджык вок Мишка йылысь. Кывлöма сийö кыськö кывбур, кодi заводитчö таdzi: «Аттö дивö, мян Ивö...» И лясчис ичöтджык вокыслы выль ним – Аттöдивö.

Татьяна Николаевна кывзис детинкалысь шог висьтсö, сэсся пуксьöдис Ваняöс да шыöдчис став класс дорö:

– Челядь, тiянлы быдöнлы мам-батындыд бöрйöма-öсь зэв мича нимьяс. Радейтöй нимтö ассьыныд и ёртьясыдлысь. Энö вежлалöй найöс нерсян кывьяс вылö. А то öд и збыль коркö вермасны чужны Аттöдивö Миша либо Öртьö-брöтьö Маша.

Класс серöктис. А ичöтик Ваня Пипуныровлөн сьöлöм вылас кокняммис.

*А.Петрунёв серти*



1. Кызди Иванлы сурис Аттөдивө ним?
2. Кажитчө-ө Иванлы мөд нимыс?
3. Мыйла нимтысьөмыд омөльтор?

**88 удж.** Лыдды да гөгөрвоөд шусьөгъяссө.

1. Велөдчөм морт – синма, велөдчытөм – синтөм.
2. Быдтор дорө колө велөдчыны.
3. Велөдчытөгъд мортө он во.



Аддызы велөдчөм йылысь 2–3 шусьөг.

**89 удж.** Лыдды да гөгөрво ичөт серамбана висьтъ-яс. Дасьты ёртъясыдкөд петкөдчөм.

\* \* \*

Гожөмбыд Светук лөсьөдчис мунны первой клас-сө. И со тайө луныс воис. Нывка весиг мудзис сымында выльторсьыс.

- Көч төлысь мөд лунө мамыс садьмөдө нывсө:
- Чеччы, Светук, школаө колө мунны!
  - Ме сәні төрыт вөлі нин!– чуймис нывка.

\* \* \*

Математика вежөсын.

- Висьтав, Коля, коді арталіс тэныд тайө задачасө, батыд али мамыд?– юалө велөдысь.
- Ог төд. Ме сәки ывлаын ворсі.

\* \* \*

Велөдысь эз эскы, мый өти морт вермас вөчны та мында өшыбка.

- Мыйла өтнам, батыөкөд вөчим,– шуис Öньө.





аслыспӧлӧс – своеобразный  
 аслыссикас – разнородный, специфический,  
 оригинальный

ассяма – своеобразный  
 аснога – своеобразный, оригинальный  
 асныра – своенравный, упрямый  
 асруа – своеобразный, со странностями

**91 удж.** Содтав сёрникузясясӧ лӧсялана кывбердъяс.

- 1) Коми Республикаса быд районын ... сёрни.
- 2) Менам ёртӧй ... . 3) Коми Республикалӧн ... каналан пасъяс.
- 4) Войвывса йӧзыд ... . 5) Тӧвся поводдяыд ... .

**92 удж.** Мый серпасалӧма Коми Республикаса канпасӧ? Аддзы колана вочакывъяс.

1

- А) кырныш
- Б) варыш
- В) сюзь

2

- А) шонді
- Б) коми ань
- В) зарни ань

3

- А) йӧра юръяс
- Б) кӧр юръяс
- В) ош юръяс





**93 удж.** Лыдды да кут төд вылын.

### **Кып.**

Коми Республикаса каналан пасъяс – дōрапас, канпас да кып.

Миян кып аслыспōлōс: юргō коми да роч кывъяс вылын. Ōд Коми Республикаын кыккывъялун. Медводз кып лōсьōдан комиссия бōрйис Нēбдінса Витторлысь «Варыш поз» сьыланкыв. Сэсся дыр уджалісны кывъяс вылын, медым кыпыс вōлі ōнія кадся да республикаын быдōнлы гōгōрвоана. 2007-ōд восянь кыпыс юргō таdzi:



### **Коми Республикаса каналан кып.**

Кывъясы В.Савинлōн, редакцияыс В.Тиминлōн,  
А.Шергиналōн да А.Суворовлōн  
Шыладыс В.Савинлōн, обработкаыс М.Герцманлōн

Ылын-ылын Войвылын  
Джуджыд парма сулалō.  
Парма шōрын варыш поз  
Кыпыд горōн шыалō.

Лэбзьōй, повтōм варышъяс,  
Вына бордъяс шеныштлōй,  
Веськыд туйōд нуōдōй,  
Коми мусō югдōдōй!

Север, наш родимый край,  
Глубоки твои снега,  
Холодны твои ветра,  
Высока твоя тайга!

Нас несут через века  
Соколиные крыла.  
Коми край, твоя судьба  
Благодатна и светла!

**94 удж.** Лыдды да кут төд вылын.

### **Канпас.**

Коми Республикаса каналан канпассō вōчōма пермскōй зверинōй стиль серти. Гōрд геральдическōй пōв вылō серпасалōма варышōс.

Варыш петкөдлө государство да власьт.

Лэбачлөн морөсас аньлөн чужоьмыс петкөдлө «Зарни аньос» – олом радейтысь шонди ань енмос, мир кутысь мамос.

Йора – енлун, веськыдлун, мичлун петкөдлысь пас.

Коми войтырлөн фольклорын зарни да гөрд рөмъяс петкөдлөны асья шонди да шаньлун, коми войтырлысь да власьтлысь удж-зильом.

**95 удж.** Содты кывбурө рөм вылө индысь кывбердыяс. Вочавидз юаломъяс вылө.

### Куим рөма дөрапас.

Степан нима изэрд весьтын

Куим рөма дөрапас.

Татчө, кодыр көть ог веськав

Паськыд эрдыс меным ас.

... рөм – тайө мян енэж

... – парма-вөр

... рөмыс казьтө меным

Лымъя войвыв – сьолөмшөр. *В.Тимин*



1. Коді өні Коми Республикаса Юралысьыс?
2. Кутшөм кывъяс лооны мян республиканын каналанаөн?
3. Мый серпасалөма канпасө?
4. Мый вежөртөны дөрапас рөмъяс?
5. Мый төдмалін кып йылысь?



**96 удж.** Вөзйы да дорйы ас сиктлы (карлы, школары, класслы, котырлы) лөсьөдөм дөрапас.



**97 удж.** Вуджöd текстсö роч кыв вылö. Лöсьöd дженъыд висът.

### **Евгений Александрович Игушев.**



Е.А. Игушев – коми кыв туялысь, филология доктор, велöдысь. Евгений Александрович чужлöма Сосногорск бердса Пожня грездын. Велöдчöма Ухтаса горно-нефтянöй (биару-мусир) техникумын, сэсся Коми пединститутын. Армия бöрын уджалöма сиктса велöдысьöн. Уджалігмоз помалöма аспирантура.

1973-öd восянь Евгений Александрович уджаліс Сыктывкарса канму университетын. Сійö гижис коми кывйысь вель уна велöдчан пособие. Шуам, «Коми диалектология», «Коми кыв да йöзкостса поэзия», «Введение в финно-угроведение», «Öнiя коми кыв» да мукöд. Та кындзи Евгений Александрович гижö неыджыд висътешъяс. Вуджödö финн-угор кывъясысь челядьлы мойдыяс, шусьöгъяс, нöдкывъяс.

Евгений Александрович Игушевöс тöдöны да пыдди пуктöны оз сöмын Россияын, но и суйöр сайын: Венгрияын, Финляндияын, Эстонияын. Тайö шань да серамбана учёнöйсö, велöдысьсö зэв ёна радейтöны студентъяс.

**98 удж.** Содты коланаинö отсöг вылö сетöм кывъяс да вочавидз юалöм вылö.

### **Водз чеччö да этша печкö.**

Миян сиктын олö Дарья тьöт, дзоляник, косіник, зэв тэрыб кока да сёрниа пöрысь нывбаба. Дарья тьöт луннас быдлаö волö, ставсö тöдö, быдтор удитö ... висьтавны. Лавкаö да поштаö витысь ... пыралас. И клубад ... на удитас волыны. Керкаыс Дарья тьöтлөн сикт шöрас, медся важиник да лёкиник. Картупельсö ... заводитö керны да лымъявтöдзыс некор оз вермы эштöдны. Вöрысь локтысьясöс пыр паныдалö Дарья тьöт. Тöдö, коді ... чукöртöма тшак-вотöссö, коді ... вотчö. Тадзи и олö Дарья тьöт, прамöя оз узылы, а вöчны нинöм оз удит, овмöсыс эндöма.

*Е.Игушев серти*

Отсöг вылö кывъяс: *сёрнджык, медводз, медся водз, сусьджыка, унджык, этшаджык.*



Кутшöм Дарья тьöтыс?



Гөгөрвоöd висьтлысь нимсö, аддзы текстысь вочакыв.

**99 удж.** Корсь лыддьясянінысь удж йылысь шусьöгъяс. Дзеб öти шусьöг ребусö.

**100 удж.** Лыддды да гөгөрвоöd финн шусьöгъяссö.

### **Финн шусьöгъяс.**

Бур морт сетö этшасьыс, лёк мортлөн оз вичмы и унасьыс.

Важсö эн лёкöд водзвыв, кытчöдз выльсö бура он тöдмав.

*Комиöдіс Е.Игушев*

**101 удж.** Лыдды да тӧдмав финн нӧдкывъяссӧ.  
Кутшӧм серпасъяс лӧсялӧны нӧдкывъяслы.



**Финн нӧдкывъяс.**

Коктӧг котӧртӧ, бордтӧг лӧбӧ, ӧти  
луннас дас сиктӧ волӧ.

Вужйыс вылын, юрыс улын.

Ыджыд лӧбач надзӧникӧн ӧвтчӧ,  
бордъяссыс ва виялӧ.

*Комиӧдис Е.Игушев*



**102 удж.** Лыдды да гӧгӧрво висътсӧ. Висътав Иван  
Ильич Белых йылысь III морт нимсянь.

Чужлі ме Сыктывдін рай-  
онса Паль сиктын 1946-ӧд вося  
кӧч 23-ӧд лунӧ.

Ичӧтдырйи ӧна радейтлі  
кывзыны баблысь мойдъяссӧ.  
Мукӧд мойдсыс весиг юрси-  
ыд сувтлывліс. Нӧшта кажит-  
чис вадорын вуграсьны да вӧ-  
рын вотчыны. Эг ӧтчыдысь  
ичӧтнад ылавлы вӧрӧ. Парма-  
ыс нӧшта ӧнджыка кутіс кыс-  
кыны менӧ ас дінас.



Коми пединститут помалом бõрын пыр уджалі «Югид туй» (õні «Коми му») газет редакцияын. Сõмын некымын во кезлõ вуджлі Коми небõг лэдзанінõ да «Йõлõга» газет редакцияõ. Республика пасьта ветлїгъясõ йõзкõд аддзысьлõмтъясыс да накõд сёрниясыс и лосны менам висътъяслы сюрõсьясõн.

Петалісны «Õзйы, бипурõй менам», «Челядьдырся пароходтъяс» да «Важыс уськõдчывлõ вõtõн» небõгтъяс. Сәні зіли петкõдлыны, кутшõм ёна радейта ассъым чужанінõс, ас войтырõс, ас пармаõс. Наян и менам олõмыс.

*И.Белых*



Лыдды И.И. Белыхлыс ас бõрйõм серти гижõд. Серпасав да висътав сы йылысь коми кыв урок вылын.

**103 удж.** Лыдды висътлысь юкõнъяссõ, гõгõрво да тәч найõс колана ногõн.

### **Выль пась.**

#### **А**

Меным ньõбисны выль пась. Зәв мича, кельыдгõрд. Кор ме муна уличті, нывкаяс кындзи, зонкаяс ме вылõ видзõдõны. Õтчыд весиг Вадик Блинов видзõдліс, дерт, әз ме вылõ, а менам пась вылõ. Но век жõ нимкодъ. Со кутшõм менам пасьõй. Медся бур!

#### **Б**

– Кытчõдз оз быдмы выль кизь, – шуис мам, кодї пукаліс диван вылын да кыис моднõй шапка. Меным лои тешкодъ. Син водзõ сувтіс серпас: со чужõ выль кизь. Медводз сійõ ичõтик, сәсся ыджыдджык, мед-бõрын 5 шайт ыджда.



## В

– Кытчөдз он велав колана ногөн новлыны паськөм,– кыв-көрталіс бать.

– Кыдзи ме велала сійөс новлыны?– шемөсми ме.

– Мөвпнад,– шуис мам и серөктіс.

Мамө вурис кизьсө, и батьө өшөдіс пасьсө шкапө. Кутшөм сылы гажтөм сәні өшавнысө, некод сы вылө оз видзөд.

## Г

Но лоис виччысьтөмтор. Пасьысь орис кизьыс. Гашкө, пөрччысигөн кыкышті ёнджыка. Бать казяліс орөм кизя пасьөс. Дыркодь пиняліс менө, өд пасьыс выль на:

– Кутан ветлыны пальтоөн, кытчөдз..., кытчөдз...

*Е.Габова серти*

- 1) АБВГ      2) АГВВ      3) АГБВ      4) ГАВВ



1. Мыйла радліс нывка?
2. Кутшөм сылөн пасьыс?
3. Мыйысь скөрмис батьыс?
4. Мыйла пасьыслы шкапас гажтөм?



Корсь материал Елена Васильевна Габова йылысь. Дасьты нейджыд юөр.



Юөрсө позьө вөчны презентация ногөн компьютер отсөгөн PowerPoint программаын.





### Нёль вок.

Олоны-вылоны нёль вок. Ёнысь-ёнось, мичаысь-мичаось. Некор оз пöрысьмыны. Зэв шаньось. Пыр старайтчöны му вылын да вөр-ваын олысьяслы вöчны кызд позьö унджык буртор.

Первой воксö шуоны Тулысөн.


Воас кадыс да кузь туйö медводз петас Тулыс. Кыті мунас сійö, кутшöм муясö тувччылас сёлөн кокыс, быдлаын шондодас, ставыс ловзяс. Садьмодас шоръясöс, йи улын шойччысь юясöс. Тшöктас мича паськөмөн вöчыны пуяслы. Шоньд муясысь, саридзьяс бердысь аскöдыс вайодас и быдсикас лэбачöс. Тулыс вок тэрмөдлас быдөнöс, медым быд удж вöлі вöчöма ас кадö да бура.

Кыпид Тулыс ёна и гажодас йöзöс да пемöсьясöс. Челядьöс ворсöдас, вөрпаяслысь паськөмсö вежас, пöткаясöс тшöктас сывны-гажөдчыны, вын-эбöс сетас юяслы да шоръяслы.

Тулыс уджалас лун и вой. Уна буртор коляс ас йывсьыс му вылö. Кор вель ёна мудзас, отсöг вылö чукöстас асьыс воксö – Гожöмсö.



## Т Содты ассъыд кывъяс.



**105 удж.** Лыдды приметаяс. Содты кадакывъясö локтан када суффиксъяс.

1) Кузь йинёнъяс öш... керка вевт дорышö – тулыс нюжал... . 2) Съöd рака воис – кызь лун мысти йи вöрз..., тöлысь мысти лым сыл... . 3) Тулыснас кө лымйыс сыл... öдйö, а ытваыс исковт... тэрыба – виччысь васöd гожöм. 4) Кыдзлөн кө водзджык восс... коръясыс ловпуысь – гожöмыс ло... зэра. 5) Чикыш во... – гым ва... . 6) Май дас коймöd луно кө войыс шоньд да кодзула – гожöмыс ло... кос.

**106 удж.** Мичаа лыдды кывбурсö. Инды локтан када кадакывъяс.

### Тулыс.

Бара воас гажа тулыс,  
Гөгөр ставыс лоас веж!  
Бокад тэсö эн жö сулав,  
Аслад муса бать-мам мулань,  
Дона пийö, зiля кеж!..  
Тувсов асылö тэ петан

Гөрны-көдзны паськыд йөр  
 Сэк, кор шонді кисө сетас  
 Зарниавны му и вөр.  
 Съөлөм вылад долыд-долыд!  
 Сьылө тракторъяслөн гор.  
 Шуднад збыльысь тырас лолыд,  
 Вөчөмтортө аддзан кор.

*С.Попов*

**О** Гөгөрвоёд омонимъяссө, лөсьөд наён кывтэчасъяс.

ю – ю	чой – чой	кыв – кыв
сөй – сөй	пу – пу	оз – оз
лыа – лыа	кор – кор	сьөм – сьөм



«Омонимъяс кывчукөр» небөггысь аддзы төдса омоним гоз да серпасав.

**107 удж.** Мичаа лыддөй текстсө.



Виричын сёрнитöны капуста да свеклө рөсада.

– Кор нин шондодас да мянөс петкөдасны шоньд муө?– шогсьө свеклө.

– Воас кад и петкӧдасны. Таысь эн шогсьы. Воысь воӧ мянӧс пыр этшаджык пуктӧны, надейтчӧны дась вылас,– шогсьӧ капуста.

– Да-а. Водзті вӧлі ми кодьтӧ мыйта пуктасны! Ӧні ставыс ёгӧн тырӧма. Регыд кыкӧн и колям.

**?** Мыйла шогсьӧ свеклӧ?

**108 удж.** Сетӧм кывтэчасъясӧн лӧсьӧд юӧр тувсовъя уджъяс йылысь.



**109 удж.** Дасьтысь да гиж «Тувсовъя уджъяс» творческой диктант.

Со и воис дыр виччысяна тулыс. Кыз эшкын улысь мыччис ассьыс чужомбансö му. Чургöдiс юрсö медводдза дзоридз – вижъюр. Тулыс воомкöд и воасны тувсовъя тöжд-уджъяс. Ковмас гөрны му, ...

**110 удж.** Гиж висьтсö локтан кадын. Сет висьтыслы ним.

Ми ёрткöд вöчим лэбач поз и тувъялим сийöс öшинювса джуджыд коз йылö. Медводдза ябыръяс зэв зiля поздысны сэтчö. Лунтыръясөн найö ваялiсны гöнторъяс, кос турун. Недыр мысти лэбачьяс пöжисны пиянöс. Уджыс ябыръяслөн лоис унджык.

**Т**

1

Витаминыс сыын уна,  
Курччан – синва пычкас друг.  
Уна вöлöгаö мунö,  
Тайö, дерт жö, град выв ...

2

– Дуньö! Дуньö!– горзöм кылö,  
Роскөн вöтлысям бур здук.  
Шоньд рытö ывла вылын  
Тадзи кыям майскöй ...

3

Ичöт керка вöчис дедö,  
Ме тшöтш отсаси и бабöй.  
Лэптим зiб вылö, сэн медым  
Олас-вылас сьылысь ...

Зэрөм бөрын енэжтасөдз  
 Өшгъяс джынгъя мича асык  
 Сизим рөма ыджыд көшөн  
 Васө юө ...

*Н.Щукин*

**111 удж.** Паськөд сёрникузяяссө.

Воис тулыс. Сыліс лым. Өшалөны йинёнъяс. Артмө-  
 ны гөпгъяс. Бузгөны шоргъяс.

Мыччысьөны кушингъяс. Польдөны гаргъяс. Дзори-  
 дзалөны вижбюргъяс. Вооны лэбачгъяс. Ловзё вөр-ва.



**112 удж.** Лыдды кывбурсө да велөд.

### Тулыс.

Тулысөс кыдзи он радейт,  
 Сы йылысь кыдзи он сыв?  
 Кор весиг дзор тошка дядьлөн  
 Дзордзалө чужөм выв?  
 Кор сынөдас сыланкыв сылө,  
 Муслунөн өвтө төв,  
 И меліа кышакылө  
 Бадгъясөн мөдлапөв.

*А.Размыслов*

**113 удж.** Аддзы А.Саврасовлөн «Грачи прилетели»  
 серпас дорө лөсялана сёрникузяяс.

### Воисны сьөд ракаяс.

Медводз миян войвылө воисны сьөд ракаяс. Гөгөр  
 на лымгъя, а найө танөсь нин. Шойччыштасны кузь туй

бöрын и заводитасны позъяс вöчавны. Позъяссö найö вöчöны паркъясын, расъясын. Водз асывсянь сёр рытöдз найö кравзасны, позъяснысö вöчöм вылö увъяс чегъя-ласны да ваяласны. Öтияс важ познысö дзоньталасны, мöдъяс – выльысь вöчасны. Лунтыр ракаяс нокеясны-уджаласны. А кор воас рыт, пуксясны асланыс позъяс дорö да узьöны асылöдз.

Асывнас садьмасны водз да бара уджö кутчыясны. Съöd ракаяс пöжсьöны медводз. Оз на удит пуяс вылын кор потны, а пияныс горзöны нин – сёйны корöны.

*И.Коданёв*

**?** Кутшöм кадын сетöма унджык кадакывсö? Мый-ла?









ба видзё пöжаръясысь. А тöвлы паныд шыбитöм берба лөнъодö бушков. Шуöны, Берба лунö кö шондиá – гожöмыс лоö бур, озыр урожай артмас.

## В

Ыджыд лунöдз вежонön водзджык эскысь йöз пасйöны Иисус Кростослысь Иерусалимö пырöмсö. Сэни Господьöс кыпыда паныдалисны, чолöмалисны пальма вожъясөн, чолöмалисны мöда-мöдсö Кростос воёмön. Миянлы тайö гажыс ёнджыка тöдса, кызди Берба лун, сы вöсна мый миян пальмаяс оз быдмыны. Сы пыдди вичкоын вежödöны медводдзаён дзоридзалысь берба.

## Г

Берба вожнас инмöдчылисны керкалön быд пельöсö. Сэсся пуктылисны ен ув пельöсö. Сэни берба олис мöд воёдз. Лыддьöны, мый бербаыс вына сöмын öти во. Биа висьöмысь пö мездылöма бербалön 9 гар.

**115 удж.** Лыдды текстсö, аддзы выль кывъяс да гөгөрво. Сет текстлы ним.

...

Сьөлөм и лов личöдысь да гажöдысь тайö праз-  
никыс быдöнлөн: олöмаяслөн, томъяслөн, челядьлөн.  
Быд керкаын пелькөдчöны, рытсеяныы пусьöны-пöжа-  
сьöны. Медся дзескыда олысьяслөн тайö луно пызан  
вылас быдтор лоö: и яя шыд, и чöскыд черинянь, и  
проса рок, и нökъя рысь, и выйöн мавтöм пирөг-шаньга.  
Быдсяма чöскыдторсö на видзыштöны Крестос лов-  
зян лун кежлö, мед вунöдлыны сьökыдсö да сьөлөм  
бурмымөн радлыны-гажöдчыны.

*Б.Шахов серти*




1. Кутшöм гажлун йылысь висътавсьö текстын?
2. Мыйла тэ тадзи чайтан?

**116 удж.** Лыдды да гөгөрво рецептсö.

### **Кулич вöчан рецепт.**

Босьтам 1 кг пызь, 100 г  
вый, 150–200 г сакар, 50–100 г  
изюм, 400 г йöв, дрожжи да сов.

Шоныд йöлö пуктыны дрож-  
жи, содтыны 500 г пызь и 2–3  
час кежлö кольны кыптыны. Кор няньшомыс лоö дась,  
пуктыны мукöдторсö да бура гудравны. Пöжалөм бöрас  
мичмöдны кольтусьөн да уна рöма сакарөн.



1. Вуджöd рецептсö да пöжав кулич.
2. Мичмöd куличсö да пасхасö коми серьясөн.



## МОРТ-МОРТА НИМВЕЖТАСЪЯС. ВЗАИМНО-ЛИЧНЫЕ МЕСТОИМЕНЕНИЯ

**Öта-мөд, мөда-мөд** (друг друга) нимвежтасъяс шусьöны морт-мортаөн. Найö вежласьöны вежлөгъяс серти.

Пример вылö:

*öта-мөдлы – друг другу*

*Гажлун дырйи ми козьналім öта-мөдлы мича серпасъяс.*

*мөда-мөдöс – друг друга*

*Мөда-мөдöс кыпыда чолөмалім Ыджыд лунөн.*

**117 удж.** Гиж морт-морта нимвежтасъяссö колана вежлөгын. Лөсьöд 2–3 сёрникузя.

Друг с другом, друг у друга, друг без друга, друг от друга, друг друга, друг другом, друг другу.



## ПОДЧИНИТЕЛЬНОЙ КЫВЙИТÖДЪЯС. ПОДЧИНИТЕЛЬНЫЕ СОЮЗЫ

Подчинительной кывйитöдъяс йитöны сёрникузяяс. На водзын пуктöны чутік.

**та вöсна, та понда** – потому, поэтому

Пример вылö:

*Ыджыд лун водзын мунö Ыджыд видз, та вöсна колö сёйны кослунгъя вөлöга.*

*Аски Троица, та понда ми ветлам вичкоö.*



**118 удж.** Лыдды да гиж изложение план серти.

### **Троицаса кыз.**

Троица пасйоны Ыджыд лун бöрын 50-öд лунö – 7-öд вöскресенньö. Медъёна тайö лунö пыдди пуктöны кыз пу, та вöсна сийöс вежöдöны вичкоын. Кыз – шондiлөн да томлунлөн пас.

Кызсö лыддыöны шуда пуөн, сийö вайö бурлун. Та понда коми йöз чайтöны, мый сийö видзö неминучаысь. Сидз жö кыз лыддысьсö бурдöдчан пуөн, та вöсна инмöдчылiсны öта-мöдö вичкоын вежöдöм вожъясөн.

Уличаяс, керка вевъяс, ен ув пельöсьяс тайö лунö мичмöдöны кыз пу росъясөн. Важөн сикт-грездъясын медся мича кызсö мичмöдлiсны уна рöма лентаясөн. Сы гөгөр том йöз сьылiсны-йöктiсны, ворсiсны.

*«Йöлöга» газетъсь*

План:

1. Кыдз пу – Троичалён вежа пас.
2. Троичаса кызлөн вын.
3. Кыдз пу гөгөр гаж.

**119 удж.** Комиёд кослунъя сёянлысь рецептсö.

### **Крапивный салат.**

Для салата возьмите 300 граммов крапивы, 2 варёных яйца, 3 ложки сметаны, петрушку и соль по вкусу. Вымойте, обдайте кипятком и мелко нарежьте молодые листья крапивы. Перемешайте с измельчённой петрушкой, добавьте сметану. Украсьте варёными яйцами.

**120 удж.** Лыдды да гөгөрво текстсö.

### **Витамин салат.**

Колö: 300 г гөрд кöчан, 200 г помидор, 200 г öгуреч, 200 г болгарскöй переч, 100 г редис, лук, укроп, салат, сов, кöнтусь вый.

Став град выв пуктассö колö медводз мичаа мыськавны. Та бöрын вундавны кöчан, редис да лук – гöгыльясöн, öгуреч – бедьясöн, помидор – кубикьясöн. Перечысь перьявны кöйдыссö да вундавны бедьясöн, укроп-салат посныдика вундавны. Медбöрын став вундалöмторсö öтлаавны, солыштны да содтыны сэтчö кöнтусь вый.



Корсь да гиж кослунъя сёянлысь рецепт, мичаа оформит.



Став класнад дасътöй небöг (буклет, презентация) «Кослунъя вöлöга». Позьö вöчны компьютерөн «Publisher» либö «PowerPoint» программаяс öтсöгөн.



## ВӨР-ВАЛӨН БУРДӨДЧАН КОЗИНЪЯС



бурдөдчыны – лечиться  
 видзны – охранять, беречь  
 воййыв турун – иван-чай  
 дзуртан турун вуж –

родиола розовая

душник турун – мята

лапкор – лопух

көртдой турун –

тысячелистник

калган – лапчатка

прямостоящая

ладан турун – валериана

мырпом кляч –

чашелистик морошки

нявда – мокрица  
 пакула, вөрса чай – чага  
 петшөр – крапива  
 пув кор – лист

брусники

төзь – лабазник

төрича турун –

пастушья сумка

уразной турун –

зверобой

урбөж – хвоц полевой

шыдөса турун – полынь

ыжман, ыжнень –

жимолость

**121 удж.** Лыдды мойдсө. Гөгөрвоод марьямоль кывлысь артмөмсө.

### Марьямоль.

Коркө важөн өти сиктын олөмны пöрысь гозъя. Налөн вөлөма мичаник авъя Марья нима ныв. Радейтөма сийө сиктса өти голь зонмөс. Но бать-мамыс Машукөс мырдөн кутөмны сетны верөс сайө озыр семьяө. Дыр бөрдөма-корөма Марья бать-мамыслысь, медым эз сетны сийөс пöрысь озыр морт сайө. Но эз кывны бать-мамыс нылыслысь ко-



рөмсö. Крут берег дорын, көнi бöрдiс Марья, мыччысис гөрд рöма мича дзоридз. Йöзыс шуисны тайö дзоридзсö марьямольöн. «Марья» – ныв ним серти, «моль» – дзоридзyslön быд ар артмö съод рöма моль кодь кöйдьс.

*«Легенды о лекарственных растениях» небöгыс*

**122 удж.** Вуджöд роч кыв вылö.

Пион артмöма греческöй раionios кывйыс. Вежöртö ‘бурдöдыс, дзоньвидзалун сетьс’. Пионön шулöма-öсь бурдöдысьöс. Грецияын вөлöма Пион нима тöдчана бурдöдыс, Асклепий енлön велöдчыс.



Асклепий – Грецияын бурдöдчöмлön ен.



## **СТЕПЕНЬ ПЕТКÖДЛЫСЬ УРЧИТАНЪЯС. НАРЕЧИЯ СТЕПЕНИ**

Степень петкöдлыс урчитанъяс вочавидзöны **ёна-ö?** юалöм вылö.

вель – довольно, достаточно

вывтi – слишком

дзик – совсем

ёна – очень

зэв – очень

Пример вылö:

*Марьямоль – зэв мича дзоридз.*

*Катшасинъяс ёна мичмöдöны Коми мусö.*


**123 удж.** Содты сёрникузясö колана степень петкöдлыс урчитанъяс.



1) Ичот челядь купайтчöны ... берег дорын. 2) Шко-  
 ласа рыт колис ... кыпыда. 3) Ми ... радлим гожа ка-  
 никул матысмöмлы. 4) Кöч тöлысын пувйыд ... нин  
 гөрд. 5) Уразнöй турун ... колана быдöнлы. 6) Велöд-  
 чысьяс ... бура гижисны тöдöмлун донъялан удж.  
 7) Тулыснас школа гөгөр челядь пелькөдчисны ... дыр.



кöкакань –  
 чемерица  
 обыкновенная



кöчвöнь –  
 плаун  
 булавовидный



калган –  
 лапчатка  
 прямостоящая



ладан турун –  
 валериана



лапкор –  
 подорожник

**124 удж.** Лыдды да аддзы бурдöдчан турун нимъ-  
 яс. Корсь небөгъясь, мыйысь найö бурдöдöны.

\*\*\*

Висьма кö, ме динö врачöс энö корöй,  
 Бурдöдчанторла эн котöртöй пыр,  
 Ачымöс лэччöдлöй Кунес ю дорö,  
 Кöни быд видз лыдтöм дзоридзöн тыр!

Лапкорйөн шонтыштöй позялөм морөс,  
Кöчвөнйөн кöртыштöй калганлысь вуж,  
Шондi мед жалиттöг синъясöс ёрö,  
Кöтöдлас синваöс лысва и пуж.

От кö на бурд, ладан турун сэк пуйй,  
Кöкаканы шырöй да вотыштöй оз,  
Чай пыдди медбур лекарство моз юа  
Ю весьтö öшöдчöм сьöд сэтöр роз.

Шудöй кö яндысьтöг энөвтас дзикöдз,  
Сэки на эскöмöй аслам оз кус...  
Егырысь корсьöй, ме воа кö пикö,  
Мырпом, кöть некымын бурдöдан тусь.

*С.Попов*



**125 удж.** Содты колана вотöс нимъяс.

### **Нюр вылын вотчигөн.**

Туйыд вутш пöвстас кö пыртас,  
Он на, другö, кув.  
Аддзан сэтись чöскыд ...,  
Шома ...



Меным муса сэтшöм вотöс,  
Кодi важөн сыв,  
Нюр выв вотöс висьöм сотö,  
Кыдзи шондi кыв.




*С.Попов*



Корсь да лöсьöд юөр нюрвывса  
быдмöглөн бурдöдчан вын йылысь.

**126 удж.** Бөрйы өти серпас. Гиж сы серти нейджыд мөвпалана висьт.



**127 удж.** Лыдды текстсö да гөгөрво. Лөсьöд юалöмть-яс текст серти.

Öтчид гожöмнас ме ордö гөститны локтис Öнбö другöй. Ми мөдöдчим Мизин йылö ком вугравны. Сиктссянь неылын миянлы паныдасисны челядь чукөр. Шуйга кианыс быдөнлөн вöли бидон либö туис. Быдөн-лөн дозьясныс дзык тыр. Веськыд кианыс ки тырыс кабыртöмаөсь чöd розьяс, да мунигмозныс вомнас öк-

тöны тусьяссö. Вель ёна вомныс льякössьöма чöдйöн. Öнбö юалис челядльысь:

– Вотчины ветлинныд? Вывті бур!

Сэсся öти зонкалысь корис öти чöд роз да юалис:

– Мича öд? А дыр-ö чайтан тайö розьясыс олöны?

Челядь ёна шöйöвошисны.


– Öти во, кöнкö.

– Тайö розьясьыс, гашкö, тiян пöль-пöчьясыд на вотлисны чöдсö. А чöд кустьясыс олöны кыксё воысь дырджык. Öни думыштöй, мыйта чöд на вермисны сетны йöзыслы тайö розьясыс, а найöс тi нетшкинныд дзык мöвпавтöг.

*С.Раевский серти*

**128 удж.** 127-öд уджын сетöм висетьысь аддзы да вуджöд урчитан кывъяса сёрникузяяс. Лöсьöд аддзöм урчитанъясöн ас сёрникузяяс.

**Т**



1. Шома, лöz рöма кузьмös вотös.
2. Еджыд синлыса дзоридз.
3. Кольквиж вотös, быдмö нюрын.
4. Шома вотöса пу.
5. Содтöны курччалан сирö.
6. Сыысь пуöны шыд.
7. Тайö туруныс сувтöдö вир.
8. Лöнбöдан турун.
9. Тайö вотössьыс вöчöны ляз.

**129 удж.** Лыдды текстьяссö. Лöсьöд юör бурдöдчан быдмög йылысь.

### **Пелысь пу.**

Миян вөръясын быдмö пелысь пу. Сійöс садитлöны и керкаяс дорö.

Пелысь зэв колана абу сöмын йöзлы, но и пемöсьяслы. Сылön розйын пöшти ветымын гөгör ичötик вотöс. Тайö вотöсьясас эм яблög да лимон кислотаяс, вель уна «С» витамин.

Кынмалöм пелысьысь пуöны варенньö. Пелысь сувтöдö вир, та понда пинь ан висигөн бур пожъявны вомтö пелыся ваөн. Пелысьыд вывті бур көрым гортса пötкаяслы, мöсьяслы, порсьяслы. Косьтöм коръясын уна дубильной вещество, та вöсна найöс пуктöны соласигөн град выв пуктас пиö.

### **Ыжнёнъ.**

Ыжнёнълön вотöсыс бурдöдчан вына. Сійö бурдöдö язва, лишай. Важөн коми йöз ыжнёнълысь чукöртлісны медмича коръяссö, косьтывлісны да пузьöдлісны чай. Тайö чайнас бурдöдлісны горш висьöм да орось син. А вотöсыс зэв бур цингаысь. Сыын зэв уна С да В витамин. Ыжнёнъ весигтö юр висьöмысь бурдöдö.

### **Катшасин.**

Катшасин позьö чукöртны көч тöлысьöдз. Бурдöдчан вынсö кутö сöмын аптечной катшасин. Быдмö сійö луд вылын, корйыс мунö морков корлань. Чукöртöны сылысь сöмын юръяссö. Косьтöны, пöжöны пöсь ваын да юöны. Пöжöм катшасин бурдöдö орось син, чирей, сөп висьöм, горш висьöм, орось дойяс, бырöдö юрысь киль.



Вуджод текстсö.

### Бурдодчан быдмөгъяс.

Вөр-ва кытшалö мортöс, сетö сылы сёян-юан, мичмөдö сылысь олöмсö да тöждысьö дзоньвидзалун вöсна. Вель уна бурдодчантор вöчöны уна пöлöс быдмөгысь. Сöмын Россияын тöдса куимсё сайö татшöм быдмөг. Озыр наөн и миян Коми му. Тайö быдмөгъясыс: пелысь, сэтөр, льöм, öмидз, лежнөг, чöд, турипув, петшөр, пув кор, лапкор, пожöм да кыз гаръяс, пакула да уна мукöд. Чукöртны бурдодчан быдмөгъяс абу сэтшöм сьöкыд, сöмын колö тöдны, кор да кызди чукöртны.

130 удж. Висьтсö юклы сёрникузяяс вылö. Гиж.

### Лежнөг.

Тi аддзылiнныд лежнөг гожöмын кутшöм мичаа сийö дзоридзалö асьсö дорйö ёсь жельяснас лежнөгйылыс арнас лöö небыд сэнi эм уна витамин йöз вотöны лежнөгйывсö да пуöны сыысь варенньö фармацевтъяс вöчöны бурдодчантор.



Мыйла лежнөгсö нöшта шуöны жельнөгөн?



Сёрнит ёртыдкöд. Вöдитчы сетöм юалöмгъясөн.

1. Тöдан-ö тэ бурдодчан быдмөгъяс?
2. Мыйысь найö бурдодöны?

## ВЕЛОДӨМ МАТЕРИАЛ ВЫНСЬӨДӨМ

**131 удж.** Аддзы пара. Лөсьөд 3 паськөдөм сёрни-кузя.

кымрасьö	пуяс
вежсис	турун
нярмис	ру
вольсасьö	енэж
көдзалис	коръяс
шарөдчöны	поводдя
тыртөммисны	төв
чашйö	ва
кушмисны	градъяс

**132 удж.** Лыдды да гөгөрво висьтсө, лөсьөд юалөмъяс.

### **Арын пуяс.**

Арся көдзыдъяс воөм бöрын пу вылын коръяс ласны гөрдоввижөсь. Медся мичаөн овлө арся пипу. Турунвиж да виж паськөма пуяс пөвстын ышнясьö сийö аслас пемыдгөрд да югыдгөрд сарапаннас.

Коді оз радейт арся вөртө? Кымын пөлөс паськөмаөсь пуясыс! Сёр арын сэсся паськөмъяссö надзöникөн заводитöны пөрчавны. Сöмын ловпу өтнас көдзыд арын гылөдө дзик веж коръяс. Тайö пуыс торъялө мукөдысь аслас сьөмөснас да быдманногнас. Керыштан кө сьөмөссö, пыр жö сийö лоö сьөдвиж, петö сэтысь дубитчан кислота. Ловпу быдмө васөдинын.

*С.Попов серти*

**133 удж.** Корсь лөсявтөм кыв. Гөгөрвоод бөрйөмтө.

1. Ода-кора, рака, өшым, кос му.
2. Төв, төвбыд, төла, төвся.
3. Кор, корось, коркө, коръя.
4. Йөв, йөла, йөлөга, Йөввыв.
5. Пась, паськыд, пасьтавыны, паськөм.
6. Йи, йинень, йирым, йиа.
7. Выльлун, шойччан лун, талун.

**134 удж.** Содты асалан либө босьтан вежлөга суффиксьяс.

- 1) Света... чужан луныс моз төлысь кызьөд лунө.
- 2) Ми гажаа пасйим Света... чужан лунсө. 3) Мам лыддис бать... локтан вежон вылө гороскоп. 4) Бать... гороскопө гижөма шуда олөм йылысь. 5) Лыйсьысь... менюын оз вермы лоны госа сёян. 6) Газетысь ме аддзи Лыйсьысь... меню. 7) Пызан вылын куйлө пөч... козин. 8) Пөч... козинсө, шоньд кепысьсө, ме кута новлыны төвнас.

**135 удж.** Содты лөсялана вежлөг суффиксьяс.

- 1) Гожөмнас да төвнас ме ветла пөч дорө Ухта... .
- 2) Печора... олөны бать... рөдвужыс. 3) Воркута... позьө мунны поезд... либө лэбны самолёт... . 4) Мам... вокыс ветлө уджавны Усинск... . 5) Ёрт... бать-мамыс локтисны Сыктивкар... Емва... . 6) Шондіа лунъясө ме нимкодяся Опера да балет театр водзын ва бус... .

**136 удж.** Содты лөсялана кывъяс, медым артмис радейтана велөдысь йылысь висьт.



### **Менам радейтана велодысь.**

Менсым радейтана велодысьсёс шуоны ... . Сійо велодө ... . Миян школаын ... велодө нин ... во. ... урок вылын ми тодмасям ... . Урок вылын босьтөм тодөмлунъясыс миянлы зэв ёна ковмасны водзё олөмын. Сы вёсна ми пыдди пуктам ... да ... урок. Миян радейтана велодысь ... тушаа, ... юрсиа, ... синъяса. ... урокъяссө нуодө стрёга, а збыльвылас сійо зэв шань, мелі, нюмсера. Кор урок вылын мыйкө оз артмы, ... пыр и воас отсөг вылө. Некор оз вид, кор мыйкө он гөгөрво. А выль пөв ставсө висьталас. Вот кутшөм миян радейтана велодысь.

**137 удж.** Сетөм кывтэчасъяс отсөгөн лөсьөд школа йылысь текст.

### **Миян школа.**

Вель ыджыд, сулалө сикт шөрын, джуджыд гөра вылын, веж сад пиын, медыджыд керка, ыджыдысь-ыджыд өшиньяса, стенъясын өшалөны, велөдчан вежөсьяс, лыддысян жырйын, нуөдсьөны кружокъяс.

**138 удж.** Лыдды да вуджөд. Висьтыслы сет ним. Содтав лөсялана кывбердъяс.

Бытьё дзик на неважөн воисны войвылө ... да ... лэбачьяс – турияс. А со найө бөр нин лэбөны ... муясө.

Видзөдан турияслысь лэбөмсө, кылан ... местаяскөд прөщайтчөмсө, и сьөлөмыд вөрззылө.

Турияс лэбөны выліті. ... голяяссө нюжөдөмаөсь водзё. Кымын лун да вежон налы ковмас шенасьны бордьяснас, венласьны ... төвъяскөд, терпитны ... зэр.

Кымын кар да сикт вомён лэбзясны турияс. Уна сикас вөръяс, юяс, степъяс аддзыласны ... туй вуджигён. Уна-ысь ковмылас шойччыны, коллявны ... войяссö.

Аддзысьлытöдз, турияс!

*И.Коданёв серти*

Отсöг вылö кывъяс: *шоньд, мича, ыджьд, тöд-са, паськьд, вына, вöсньыдик, кöдзыд, вына, кузь, арся, пемыд.*

**139 удж.** Кадакывъясö содтав колана суффиксъяс тшöктан формаын.

### **Черинянь.**

Шоныд ваö гудрал... дрожжи. Содт... сов, стöкан джын сакар. Кисьт... пызь кык кило гөгөр, бура гудрал... . Сэсся содт... стöкан тыр сывдöм вый и коль... шоныдінö 3–4 час кежлö, медым кыптас. Артмöm няньшомсö юк... кык пельö, а сэсся вöсньöд... öти сантиметр кызта сöчөнöдз. Сöчөн шöрас пуктал... водзвыв дасьтöм чери, солал..., резышт... сывдöм выйөн. Сöчөн бокъяссö öтлаöd... чери вывтiыс. Черинянь вермас лоны и вöсьса-өн. Пöжал... пачын либö духовкаын. Пачысь кыскöm бöрас чериняньсö мавт... выйөн.

**140 удж.** Гиж текстсö, комиöd кадакывъяссö.

Ti (не знаете) Кукрыниксы художникъяс йылысь? Найöс (звали) Михаил Васильевич Куприянов, Порфирий Никитич Крылов да Николай Александрович Соколов. Тайö куим художникыс (работали) öтлаын 60 во сайö. Налөн сатирической серпасъясыс стöча да веськыда

(изображают) быд лёктор. Та кындзи художникъяс (рисовали) и вёр-ва, и йёзёс.

**141 удж.** Гиж кадакывъяссё кольём шыпасъяс содталёмён. Гөгөрвоод кадакывъясслысь гижанногсё.

Прощай...чыны, пили...чыны, мичмё...чыны, шой...чыны, во...чыны, со...чыны, коль...чыны, бергё...чыны, воё...чыны, мёр...чыны, мы...чысьны, вё...чыны, кур...чыны, велё...чыны.



Аддзы кадакыв, коді гижсё кык ногён. Стёчмөд вержортасъяссё. Лёсьөд наён сёрникузяяс.

**142 удж.** Гиж текстсё скобкаяс восьтёмён.

Небыд төв лунвывсянь (пöльтны). Шонді ярьюгыда (дзирдавны). Лым (ляпкавны, чинны). Шоръяс (визувтны) туйөд. (Мыччысьны) медводдза коръяс. Гөгөр ставыс (ловзыны). Ми (лолавны) сөстөм сынөдөн, (нимкодьясьны) тувсовья лунён.

**143 удж.** Сет соссяна вочакыв.

1. Ме ола сиктын (карын).
2. Тэ радейтан дыр узьны.
3. Талун ывлаын зэрö.
4. Ми ворсам йöрын.
5. Ті мунанныд вөрö.
6. Ёртъясыд мунöны Из гөраясö.
7. Челядь бура төдöны правилöяс.
8. Велöдысьяс гөгөрвоöны миянöс.

**144 удж.** Лыдды сёрникузяссө. Вочавидз юалёмгъяс вылө. Гиж локтан када кадакывгъяс.

Тувсов луныд во чөж вердас. Сырчик вöсни кок-нас ю вылысь йисö чеггъялас. Тулысын вежон зэрас, да лунөн косьмас. Ракаяс кравзöны – шондодас. Шондi вылитi ветлө – регыд ю воссяс. Тулысын кö узян, арын шогö усян.



1. Тайö шусьоггъяс, казялөмторгъяс али нөдкывгъяс?
2. Мыйла тэ тадзи чайтан?

**145 удж.** Вуджөд текстсö роч кыв вылө.

Саридз сайысь воис варов тулыс. Кутiс сийö вөтлы-ны дзор юрсиа төлөс. Лым толаяс заводитiсны ляпкав-ны, топавны. Керка вевгъяс вылысь тэпкө-виялө эзысь войтва.

Но виччысьтөг войвывсянь уськөдчис көдзыд төв, шеныштiс паськыд борднас. Повзисны войтгъяс, топөд-чисны öта-мөд бердас, и артмисны йинёнгъяс.

**146 удж.** Лыдды кывбур юкөнсö да висьтав, мыйөн лооны төдчөдөм кывгъясыс: синонимөн, антонимөн, омонимөн.

Мый көть **сёрнит**,  
Мый көть **висьтав**,  
Мый көть **гарав**,  
Мый көть **шу**,  
Сöмын лөк кывйөн эн лысьт тэ  
Видны ассьыд чужан му.


*А.Ванеев*

## СОДТӨД. ПРИЛОЖЕНИЕ

### Ъ да Ъ гижөм.

чорыд согласной бөрын	<b>Ъ</b>	е, ё, ю, я водзын	вөръяс, медъён
небыд согласной бөрын	<b>Ь</b>	^ -яс водзын	низьяс, пасьяс
гласной, й бөрын	<b>Ъ/Ь</b>	^ -яс водзын	йөраяс мойяс

### і да Э гижөм.



### Лыдакывъяс гижам:

	<b>өтлаын</b>		<b>торйөн</b>
(сложной	лыдакывъяс)	(кывтэчас	лыдакывъяс)
70 – 90	сизимдас көкъямысдас өкмысдас кыксё куимсё	11 – 19	дас өти дас кык дас өкмыс
200 – 900	нэльсё вйтсё квйтсё	21 – 29	кызь өти кызь кык кызь өкмыс и сідз водзё

**Морта нимвежтасъяс**  
**асалан, босьтан, сетан вежлӧгъяс серти вежлалӧм.**

Нимтан вежлӧг (Имени- тельный падеж)	ме	я
	тэ	ты
	сійӧ	он, она, оно
	ми	мы
	ті	вы
	найӧ	они
Асалан вежлӧг (Роди- тельный падеж)	мена́м	у меня, мой, моя, моё, мои
	тэна́д	у тебя, твой, твоя, твоё, твои
	сылӧ́н	у него, у неё; его, её
	мия́н	у нас, наш, наша, наше, наши
	тія́н	у вас, ваш, ваша, ваше, ваши
	нало́н	у них
Босьтан вежлӧг (Притяжа- тельный падеж)	менсьы́м	у меня, мою, моего
	тэ́нсьы́д	у тебя, твою, твоего
	сылы́сь	у него, у неё; его, её
	мия́нлысь	у нас, наш, нашу, наше
	тія́нлысь	у вас, ваш, вашу, ваше
	налы́сь	у них
Сетан вежлӧг (Дательный падеж)	меня́м	мне
	тэ́ны́д	тебе
	сылы́	ему, ей
	мия́нлы	нам
	тія́нлы	вам
	налы́	им

**Роч предлогъяс да коми вежлӧг  
суффиксъяс.**

Роч предлог	Коми вежлӧг суффиксъяс	Пример вылӧ
у	<b>-лӧн</b> (принадлежность) <b>-лысь</b> (беру, читаю...)	велӧдчысь <b>лӧн</b> удж <b>босьті батылысь</b>
с	<b>-кӧд</b> (одушевлённые имена существительные) <b>-ӧн</b> (неодушевлённые имена существительные)	ворса кань <b>кӧд</b> <b>сёя паньӧн</b>
на	<b>-ӧн</b> (еду на чём-либо)	муна автобус <b>ӧн</b>
без	<b>-тӧг</b>	локтіс удж <b>тӧг</b>
за	<b>-ла</b> (с целью)	муна нянь <b>ла</b>
в	<b>-ын</b> (место) <b>-ӧ</b> (захожу, иду, сходил ...)	велӧдча школа <b>ын</b> муна горт <b>ӧ</b>
из	<b>-ысь</b> (выхожу, сделано, играю в игру...)	пета класс <b>ысь</b> , вӧчис пу <b>ысь</b> , ворсам футбол <b>ысь</b>
к	<b>-лань</b> (направляюсь)	муна музей <b>лань</b>
от	<b>-сянь</b>	воис вокс <b>янь</b>
до	<b>-ӧдз</b>	мунам Киров <b>ӧдз</b>
по	<b>-ті</b> <b>-ӧд</b> <b>-ысь</b> (по какому-либо предмету)	кывтӧ ют <b>і</b> мунӧ туй <b>ӧд</b> коми кыв <b>ысь</b> тетрад <b>ь</b>

## ҚЫВКУД

### А

**аддзысьлём** – встреча

**анча** – норка

**артасыны** – считать

**артмыны** – образоваться

**ас** – свой, собственный

**аслад** – твой, твой собственный

**аслам** – мой, мой собственный

**аслас** – его, её собственный

**аскылём** – настроение

**аслыспөлөс** – своеобразный

**аслыссикас** – разнородный, специфический,  
оригинальный

**асмогасянін** – туалет

**аснога** – своеобразный

**асныра** – своенравный, упрямый

**асруа** – своеобразный, со странностями

**ассяма** – своеобразный

**асык** – дуга

### Б

**бадь** – ива

**биа висьём** – горячка

**бокын** – возле

**бөрйыны** – выбрать

**бузгыны** – журчать

**бурдөдны** – лечить

**бурдөдчанин** – медпункт

**бурдөдчыны** – лечиться

**буретш** – как раз (здесь: именно)

**бус** – пыль



**быдмыны** – расти  
**быдтас** – воспитанник

## **В**

**варгыль кока** – косолапый  
**вартчыны** – плавать  
**вевттыны** – укрыть  
**вежа** – святой  
**вежай** – крёстный  
**вежань** – крёстная  
**вежӧдны** – 1) зеленеть; 2) освятить  
**вежӧртӧ** – означает, значит  
**вежӧртас** – значение  
**вежӧс** – комната  
**векни, векныц** – узкий  
**велӧдчан вежӧс** – учебный кабинет  
**велӧдчанін** – школа, учебное заведение  
**вермасьӧм** – вольная борьба  
**вермӧм** – достижение, успех  
**весавны** – почистить  
**веськӧдлысь** – управляющий  
**веськӧдлысьлӧн вежӧс** – кабинет директора,  
руководителя  
**веськыд** – честный, прямой  
**веськыдвылын** – справа  
**весьтын** – над  
**ветлыны** – сходить, съездить  
**видзны** – охранять, беречь  
**видзӧм** – охрана  
**видзысь** – хранитель  
**видлыны** – померять  
**визувтны** – течь  
**визяорда** – бурундук  
**винӧв** – гибкий

**вирич** –теплица  
**висьѓм** – заболевание  
**вичко** – церковь  
**вичкоса** – церковный  
**вичмыны** – достаться  
**виччысьны** – ждать  
**виччысьтѓмтор** – неожиданность  
**войыв турун** – иван-чай  
**водзын** – впереди  
**войыв** – север (северный)  
**войтавны** – капать  
**войтва** – капель  
**вомидз** – сглаз  
**воссьыны** – открываться  
**вотчыны** – собирать грибы, ягоды  
**воча** – напротив  
**вѓйѓм** – реклама  
**вѓлѓга** – пища  
**вѓр ді** – лесной остров  
**вѓрзьыны** – тронуться  
**вѓркань** – рысь  
**вѓрпа** – дикое (лесное) животное, зверь  
**вѓрпорсь** – кабан  
**вуграсьны** – рыбачить, ловить рыбу  
**вуджѓдчыны** – переводить  
**вузѓс** – товар  
**вузавны** – продавать  
**вузасьны** – торговать  
**вузасьысь** – продавец  
**вузасянїн** – магазин  
**вундавны** – резать  
**вурд** – выдра  
**вылѓ донъявны** – высоко оценить

**вылльӧв** – простокваша

**вылын** – на

**вын-эбӧс** – сила

## Г

**гаждӧчныны** – веселиться

**гар** – почка

**гожйӧдчныны** – загорать

**гӧвкъявны** – плавать, колыхаться

**гӧгӧр** – кругом

**гӧнтор** – пух, волосы

**гӧрны** – пахать

**гӧсьт** – гость

**гӧтыр** – жена

**гӧтыра** – женатый

**град йӧр** – огород

**гудравны** – мешать

**гылавны** – опадать

## Д

**дасьтыны** – приготовить

**дасьтысьны** – готовиться

**двӧйни** – двойняшки, близнецы

**джодждӧра** – половик

**дзескыда олысь** – малоимущий

**дзольгыны** – журчать

**дзоридзавны** – цвести

**дзуртан турун вуж** – родиола розовая

**дӧнын** – у

**дон** – цена

**донъялан пас** – отметка

**дорын** – у

**душник турун** – мята

## Е

**еджыд гоб** – белый гриб

**ельдög** – груздь

**ен ув пельöс** – передний (красный) угол

**енэжтас** – горизонт

## Ё

**ёг** – мусор

**ёг турун** – сорняк

**ёль** – лесной ручей

**ён** – сильный

**ёрны** – слепить

**ёсь гыжъя** – с острыми когтями

**ёсь пиня** – с острыми зубами

## Ж

**жов пу** – калина

**жургыны** – журчать, гудеть

**жыр** – комната

## З

**заводитчыны** – начинать

**заптыны** – заготовливать

**зарни** – золото, золотая

**зильömön** – старательно

**зильны** – стараться

**зык** – ссора

**зыртöm** – тёртый

**зыртны** – натереть

## И

**идзас** – солома

**идравны** – убирать

**индыны** – указывать

**инмӧдчыны** – прикасаться  
**исерга** – серьги  
**исласьны** – кататься  
**ичинь** – тётя со стороны мамы

## Й

**Йӧввыв** – Масленица  
**йӧзкостса** – народный  
**йи кылалӧм** – ледоход  
**йирны** – грызть

## К

**калган** – лапчатка прямостоящая  
**каналан** – государственный  
**каналан пасъяс** – государственные символы  
**канму** – государство, страна, республика  
**киӧн вермасьӧм** – армвреслинг  
**киподтуй** – умение  
**киськавны** – поливать  
**козин** – подарок  
**козьнавны** – подарить  
**колявны** – проводить  
**кольтусь** – орех  
**коми кыв вежӧс** – кабинет коми языка  
**корны** – пригласить  
**кослунъя** – постный  
**костын** – между  
**котыр** – семья  
**котыртны** – организовать  
**кӧдзны** – посеять  
**кӧйдые** – семя  
**кӧр** – 1) вкус; 2) олень  
**кӧрталӧм** – завязанный  
**кӧртдой турун** – тысячелистник  
**ку** – мех

**кужны** – уметь  
**кузь** – длинный  
**кузьта** – длина  
**куйлыны** – лежать  
**купайтчыны** – купаться  
**кутны** – держать, держаться  
**кушин** – проталина  
**кушӧсь** – голые  
**кывбур тэчысь** – поэт  
**кывзысьны** – слушаться  
**кывкӧртавны** – подвести итог  
**кыйӧдны** – выслеживать  
**кындзи** – кроме  
**кыны** – вязать  
**кышyd** – приподнятый, радостный  
**кыр** – гора  
**кырсь** – кора  
**кыскыштны** – дёрнуть

## Л

**лавка** – небольшой магазин  
**ладан турун** – валериана  
**лапкор** – лопух  
**ласича** – ласка  
**личӧдны** – облегчать  
**лов** – душа  
**ловзыны** – воскреснуть  
**ловзян пас** – знак оживления  
**лӧнь** – спокойный  
**лӧсявны** – подходить  
**лӧсялана** – подходящий  
**лыа** – песок, пляж  
**лыддысянін** – библиотека  
**лыддысянкыв** – считалка

**лымвый** – мороженое  
**лымъя** – снежный  
**лыска** – хвойный  
**льӧм** – черёмуха  
**ляпкавны** – мелеть

## М

**мавтны** – смазать  
**мездыны** – освободить, избавить  
**мездысь** – избавитель  
**мичмӧдӧм вылӧ** – для украшения  
**мичмӧдчантор** – украшение  
**мичмӧдчыны, вӧччыны** – наряжаться  
**мой** – бобр  
**муслун** – любовь  
**мути** – бес, чёрт  
**мырном** – морошка  
**мырном кляч** – чашелистик морошки  
**мыссиян** – умывальник  
**мыччыны** – подать

## Н

**надзӧникӧн** – медленно  
**небӧг лэдзан** – книжное издательство  
**нетшкыны** – рвать  
**ниа** – листовница  
**низь** – соболь  
**нималана** – известный, знаменитый  
**нимкодьясьны** – радоваться, любоваться  
**нимкыв** – заговор  
**нимлун** – именины  
**нинпу** – липа  
**нӧкъявны** – заправить сметаной  
**нӧбасьяны** – покупать

**ньобасьысь** – покупатель  
**ньобны** – купить  
**ньыв** – пихта  
**нюдз** – гибкий  
**нюжавны** – тянуться  
**нюр** – болото  
**нявда** – мокрица

## О

**об** – тётя со стороны отца  
**овмөдчыны** – поселиться  
**овмөс** – хозяйство  
**овны** – жить  
**озыр** – богатый  
**оланін** – жилище, жильё  
**оланінпас** – адрес  
**оласног** – образ жизни  
**олёма** – пожилой  
**олысь** – житель  
**ордйысьём** – соревнование  
**ордйысьны** – соревноваться  
**оржы** – тополь  
**орны** – оторваться  
**орчён** – рядом  
**отсасьны** – помогать

## Ö

**өзтыны** – зажечь  
**өнія** – современный  
**өнөдз** – до сих пор  
**өтвылысь** – вместе, совместно  
**өтдортны** – недолюбливать, обижать  
**өтув оланін** – общежитие  
**өшинь дөра** – занавес, штора



## П

- пажын кад** – обед  
**пакула, вёрса чай** – чага  
**панны** – затевать  
**паныд** – перед  
**паныдалём** – встреча  
**пасйыны** – отметить  
**паськөдчыны** – расположиться  
**паськыд** – широкий  
**пасьта** – ширина  
**пасьтөдны** – одеть  
**патера** – квартира  
**пельсь** – рябина  
**пельк** – аккуратный  
**пелькөдны** – наводить порядок  
**пельёс** – уголок  
**перымса немөсьяслөн сер** – пермский  
звериный стиль  
**петкөдны** – выносить  
**петкөдчыны** – выступать  
**петшөр** – крапива  
**печкыны** – прясть  
**пинявны** – ругать  
**пишу** – осина  
**поз** – гнездо  
**помасьны** – закончиться  
**помтём-дортём** – бескрайний  
**пөдласьны** – закрываться  
**пөжём** – томлёный  
**пөжас** – выпечка  
**пөжасьны** – печь  
**пөжны** – 1) припекать; 2) томить  
**пөкья көчан** – цветная капуста  
**пөрчысянн** – раздевалка

**пöрысь** – старый  
**пöт** – сытый  
**пражитöм** – жареный  
**проса рок** – пшённая каша  
**пуöм** – варёный  
**пув кор** – лист брусники  
**пудъясянкыв** – считалка  
**пудъясьны** – кинуть жребий  
**пуктыны турун** – заготовливать сено  
**пурысь** – проезд  
**пывсян** – баня  
**пыдди пуктана** – уважаемый  
**пыдди пуктöмön** – с уважением  
**пыдди пуктыны** – почитать, уважать  
**пызь** – мука  
**пыркöдны** – вытряхивать  
**пырöдчыны** – участвовать

## Р

**рам** – спокойный  
**рас** – роща  
**роз** – гроздь  
**рöсада** – рассада

## С

**садьмöдны** – будить  
**сайöдчыны** – укрыться  
**саридз** – море  
**серпасасянін** – кабинет изобразительного искусства  
**сёян** – пища, блюда  
**сёянін** – столовая  
**сёян-юан** – продукты  
**сёян-юан лыддьöг** – меню  
**сикöтш** – бусы

**сины** – желать  
**сiсьмыны** – гнить  
**содтыны** – добавить  
**солавны** – солить  
**сорас** – салат, месиво, примесь  
**сорлавны** – смешать  
**сöстöм** – чистый  
**спортивнöй зал** – спортивный зал  
**стöч** – впору, как раз  
**судта** – этаж  
**суйöр** – граница  
**суйöр сайын** – за границей  
**сук** – густой  
**сулавны** – нырять  
**сöккыдтор лэпталöм** – поднятие тяжести  
**сöлаоз** – поленика  
**сöлöм бурмымöн** – вдоволь  
**сöлöм кылöм** – чувство  
**сöрын** – с собой  
**сыланiн** – кабинет музыки  
**сывны** – таять  
**сынöд** – воздух  
**сырчик** – трясогузка  
**сюрны** – достаться  
**сюрöс** – основа  
**сяммыны** – суметь  
**сярвидзны** – быть рассыпанным

## Т

**теш** – юмор  
**том** – молодой  
**топöдны** – уплотнить, придавить  
**тöв колльöдöм** – проводы зимы  
**тöвру** – ветерок

**төдмавны** – узнать  
**төдмасьны** – познакомиться, ознакомиться  
**төдчана** – известный, знаменитый  
**төждысьны** – беспокоиться  
**төзь** – лабазник  
**төрича турун** – пастушья сумка  
**төрны** – влезать  
**тувччыны** – наступить  
**тувьявны** – забивать  
**тугъяса** – с кистями  
**тулыснас** – весной  
**тупу** – дуб  
**турөб** – метель  
**турипув** – клюква  
**тусяпу** – можжевельник  
**тшап** – важный, высокомерный, гордый  
**тшөтшъя** – ровесник  
**туявны** – исследовать  
**туялысь** – исследователь  
**тшынөдөм** – копчёный  
**тырмытөмтор** – недостаток, ошибка  
**тырны** – исполниться

## У

**уджалігмоз** – работая  
**уджач** – трудолюбивый  
**удитны** – успеть  
**улича** – улица  
**уличкост** – переулок  
**улын** – под  
**уль** – сырой  
**уразнөй турун** – зверобой

**урбӧж** – хвоц полевой  
**урок лыддӧг** – расписание уроков  
**усьны** – опадать, упасть

## Ч

**чегъявны** – ломать  
**чолӧмавны** – поздравить  
**чолӧмалӧм** – поздравление  
**чӧж** – в течение  
**чӧсмӧдлыны** – угощать  
**чӧсмасьны** – угощаться  
**чув** – выдра  
**чужан лун** – день рождения  
**чужны** – родиться  
**чуймӧдны** – удивить  
**чукӧртны** – собирать  
**чуман** – берестяная корзина  
**чунькытш** – кольцо  
**чусмыны** – потускнеть  
**чышкыны** – вытирать

## Ш

**шайт** – рубль  
**шег** – баранья косточка (атрибут коми игры)  
**шемӧсмыны** – удивиться  
**шогмыны** – пригодиться  
**шойччан лун** – выходной, день отдыха  
**шойччыны** – отдыхать  
**шомйӧв** – кефир  
**шӧрин** – центр  
**шӧртуй** – проспект  
**шӧрын** – в середине

**шуйгавылын** – слева  
**шыблавны** – разбрасывать  
**шydöc** – крупа  
**шydöca турун** – полынъ

## **Ы**

**ыджада** – величина  
**Ыджыд видз** – Великий пост  
**Ыджыд лун** – Пасха  
**ыжман** – жимолость  
**ылöдлыны** – обмануть  
**ышöдны** – вдохновить

## **Э**

**эндыны** – запустеть  
**эскыны** – верить  
**эскысь** – верующий  
**эшкын** – одеяло

## **Ю**

**юмйöв** – йогурт  
**юмовтор** – сладости

## **Я**

**ягсер** – волнушка  
**яндысьысь** – стыдливый, стеснительный



## ЮРИНДАЛЫСЬ

ГОЖСЯ КАЗЬТЫЛӨМЪЯС	
5-öd класса материал мөдпөввөвтөм .....	5–9
ГОЖСЯ ШОЙЧЧӨМ .....	10–17
Кадакывъясын ТЧ, ДЧ, ЧЧ тэчасъяс .....	10
Керанторъя, ылыстчан да воан вежлөгъяс .....	12
АРСЯ КОДЗУЛА ПАС УЛЫН .....	18–22
Өткодьялан кывбөръяс .....	20
ВЕЛӨДЫСЬ ЛУН .....	23–27
СЁЯН-ЮАН. СЁЯН-ЮАН ЛАВКАЫН.	
СЁЯНИНЫН .....	28–38
Могман вежлөг .....	31
Өтвытан да торйөдан вежлөгъяс .....	37
ПАСЬКӨМ. ВУЗАСЯНИНЫН .....	39–49
Лыдакыв .....	41
Соссяна кадакывъяс .....	45
ЧУЖАН ЛУН .....	50–57
Кадакывлөн тшөктана форма артмөм .....	51
МЕНАМ РАДЕЙТАНА УДЖ. ВОРСӨМЪЯС .....	58–63
Петан вежлөг .....	58
МИЯН ВЕЛӨДЧАНИН .....	64–70
Кадакывйысь эмакыв артмөм .....	64
КОМИ РЕСПУБЛИКАСА КАНАЛАН ПАСЪЯС ..	71–74
Нимвежтасысь кывберд артмөм .....	71
КОМИ РЕСПУБЛИКАСА НИМАЛАНА ЙӨЗ .....	75–80
Урчитанлөн өткодьялан да медвылыс тшупөд .....	75
ТУВСОВЪЯ ТӨЖДЪЯС .....	81–88
Кадакыв. Локтан кад .....	81
ТУВСОВЪЯ ГАЖЛУНЪЯС .....	89–94
Морт-морта нимвежтасъяс .....	92
Подчинительной кывйитөдъяс .....	92

ВӖР-ВАЛӖН БУРДӖДЧАН КОЗИНТЪЯС .....	95–102
Степень петкӖдлысь урчитантъяс .....	96
ВЕЛӖДӖМ МАТЕРИАЛ ВЪНСЬӖДӖМ .....	103–108
СОДТӖД .....	109
КЫВКУД .....	112–126

*Рекомендовано Министерством образования Республики Коми*

Учебное издание

**Галина Ивановна Ватаманова  
Жанна Генриховна Сизева  
Елена Николаевна Ярошенко**

## **КОМИ ЯЗЫК**

**Учебник для 6 класса  
по обучению коми языку как неродному**

*На коми языке*

**Художник И.А. Авилова**

Редактор В.И. Трошева. Компьютерная верстка – С.И. Оверин

Подписано к печати 30.07.10. Формат 60х84<sup>1</sup>/<sub>16</sub>. Бумага офсетная.  
Печать офсетная. Усл.печ.л. 7,44. Уч.-пзд.л. 6,2. Тираж 5000. Заказ № 4677

ООО «Анбур». 167982, г.Сыктывкар, ул.К.Маркса, 229

Отпечатано с готового оригинал-макета в полном соответствии с качеством  
предоставленных материалов в ООО «Коми республиканская типография»  
167982, г.Сыктывкар, ул.В.Савина, 81. Тел. (8212) 28-46-71, 28-46-61

ISBN 978-5-91669-031-6



9 785916 69316





КАДАКЫВЛӨН КАДЪЯС СЕРТИ ВЕЖЛАСЬӨМ.  
СПРЯЖЕНИЕ ГЛАГОЛОВ

Өнiя кад. Настоящее время

Өтка лыд. Единственное число			Уна лыд. Множественное число		
I м.	тöдa	знаю	I м.	тöдaм	знаем
II м.	тöдaн	знаешь	II м.	тöдaнныд	знаете
III м.	тöдö	знает	III м.	тöдöны	знают

Локтан кад. Будущее время

Өтка лыд. Единственное число			Уна лыд. Множественное число		
I м.	муна	пойду	I м.	мунам	пойдём
II м.	мунан	пойдёшь	II м.	мунанныд	пойдёте
III м.	мунас	пойдёт	III м.	мунасны	пойдут

Колян кад. Прошедшее время

Өтка лыд. Единственное число			Уна лыд. Множественное число		
I м.	вöчи	я сделал(а)	I м.	вöчим	мы сделали
II м.	вöчин	ты сделал(а)	II м.	вöчинныд	вы сделали
III м.	вöчис	он (она) сделал(а)	III м.	вöчисны	они сделали

## КАДАКЫВЛӨН КАДЪЯС СЕРТИ ВЕЖЛАСЬӨМ. СПРЯЖЕНИЕ ГЛАГОЛОВ

**Соссына кадакывъяс.  
Отрицательные глаголы**

**Өнiя да локтан кад. Настоящее и будущее время**

Өтка лыд. Единственное число			Уна лыд. Множественное число		
I м.	<b>ог мун</b>	не пойду	I м.	<b>огö мунöй</b>	не пойдём
II м.	<b>он мун</b>	не пойдёшь	II м.	<b>онö мунöй</b>	не пойдёте
III м.	<b>оз мун</b>	не пойдёт	III м.	<b>оз мунны</b>	не пойдут

**Колян кад. Прошедшее время**

Өтка лыд. Единственное число			Уна лыд. Множественное число		
I м.	<b>эг вöч</b>	я не сделал(а)	I м.	<b>эгö вöчöй</b>	мы не сделали
II м.	<b>эн вöч</b>	ты не сделал(а)	II м.	<b>энö вöчöй</b>	вы не сделали
III м.	<b>эз вöч</b>	он (она) не сделал(а)	III м.	<b>эз вöчны</b>	они не сделали





АНБУА

